

कृष्ण यजुर्वेदीय तैत्तिरीय  
संहिता, पद, जटा, घन पाठः

7.5 सप्तमकाण्डे पञ्चमः प्रश्नः - सत्रविशेष

## **Contents**

<b>TS 7.5.1.1</b>	<b>5</b>
<b>TS 7.5.1.2</b>	<b>5</b>
<b>TS 7.5.1.3</b>	<b>6</b>
<b>TS 7.5.1.4</b>	<b>7</b>
<b>TS 7.5.1.5</b>	<b>8</b>
<b>TS 7.5.1.6</b>	<b>9</b>
<b>TS 7.5.2.1</b>	<b>10</b>
<b>TS 7.5.2.2</b>	<b>11</b>
<b>TS 7.5.3.1</b>	<b>12</b>
<b>TS 7.5.3.2</b>	<b>13</b>
<b>TS 7.5.4.1</b>	<b>13</b>
<b>TS 7.5.4.2</b>	<b>14</b>
<b>TS 7.5.5.1</b>	<b>15</b>

	2
<b>TS 7.5.5.2</b>	<b>16</b>
<b>TS 7.5.6.1</b>	<b>18</b>
<b>TS 7.5.6.2</b>	<b>18</b>
<b>TS 7.5.6.3</b>	<b>19</b>
<b>TS 7.5.6.4</b>	<b>20</b>
<b>TS 7.5.7.1</b>	<b>22</b>
<b>TS 7.5.7.2</b>	<b>22</b>
<b>TS 7.5.7.3</b>	<b>23</b>
<b>TS 7.5.7.4</b>	<b>24</b>
<b>TS 7.5.8.1</b>	<b>25</b>
<b>TS 7.5.8.2</b>	<b>26</b>
<b>TS 7.5.8.3</b>	<b>27</b>
<b>TS 7.5.8.4</b>	<b>28</b>
<b>TS 7.5.8.5</b>	<b>29</b>

	3
<b>TS 7.5.9.1</b>	<b>30</b>
<b>TS 7.5.9.2</b>	<b>31</b>
<b>TS 7.5.9.3</b>	<b>32</b>
<b>TS 7.5.9.4</b>	<b>33</b>
<b>TS 7.5.10.1</b>	<b>34</b>
<b>TS 7.5.11.1</b>	<b>35</b>
<b>TS 7.5.11.2</b>	<b>36</b>
<b>TS 7.5.12.1</b>	<b>37</b>
<b>TS 7.5.12.2</b>	<b>38</b>
<b>TS 7.5.13.1</b>	<b>39</b>
<b>TS 7.5.14.1</b>	<b>40</b>
<b>TS 7.5.15.1</b>	<b>41</b>
<b>TS 7.5.15.2</b>	<b>42</b>
<b>TS 7.5.15.3</b>	<b>43</b>

	4
<b>TS 7.5.16.1</b>	<b>43</b>
<b>TS 7.5.17.1</b>	<b>44</b>
<b>TS 7.5.18.1</b>	<b>45</b>
<b>TS 7.5.19.1</b>	<b>46</b>
<b>TS 7.5.19.2</b>	<b>47</b>
<b>TS 7.5.20.1</b>	<b>47</b>
<b>TS 7.5.21.1</b>	<b>48</b>
<b>TS 7.5.22.1</b>	<b>49</b>
<b>TS 7.5.23.1</b>	<b>50</b>
<b>TS 7.5.23.2</b>	<b>51</b>
<b>TS 7.5.24.1</b>	<b>52</b>
<b>TS 7.5.25.1</b>	<b>52</b>
<b>TS 7.5.25.2</b>	<b>53</b>

**TS 7.5.1.1****TS 7.5.1.1****Samhita Paata**

गावो॒ वा ए॒तथ् स॒त्र-मा॑सताशृ॒ङ्गाः स॒तीः शृ॒ङ्गाणि॑ नो जायन्ता॒ इति॑ कामे॒न तासां॑ दश॒मासा॑ निषे॒ण्णा  
 आस॒न्नथ् शृ॒ङ्गाण्य॑जायन्त॒ ता उ॒दति॑ष्ठ॒न्नरा॒थ्स्मेत्य॑थ् यासां॑ नाजायन्त॒ ताः सँव॑थ्स॒र-मा॒प्तोद॑तिष्ठ -  
 न्नरा॒थ्स्मेति॑ यासां॑ चाजायन्त॒ यासां॑ च॒ न ता उ॒भयी॑रु-द॒तिष्ठ-न्नरा॒थ्स्मेति॑ गोस॒त्रं वै - [ ]

**Pada Paata**

गावः॑ । वै । ए॒तत् । स॒त्रम् । आ॒स॒त् । अ॒शृ॒ङ्गाः । स॒तीः । शृ॒ङ्गाणि॑ । नः॑ । जा॒यन्तै॑ ।  
 इति॑ । कामे॒न । तासां॑म् । दश॑ । मासाः॑ । निषे॒ण्णा इति॑ नि - स॒न्नाः । आस॒न्नम् । अथ॑ ।  
 शृ॒ङ्गाणि॑ । अ॒जा॒यन्त॑ । ताः । उ॒दति॑ । अ॒तिष्ठ॑न् । अ॒रा॒थ्स्म । इति॑ । अथ॑ । यासां॑म् । न  
 । अजा॑यन्त । ताः । सँव॑थ्स॒रमि॑ति सं - व॒थ्स॒रम् । आ॒प्त्वा । उ॒दति॑ । अ॒तिष्ठ॑न् । अ॒रा॒थ्स्म  
 । इति॑ । यासां॑म् । च॒ । अजा॑यन्त । यासां॑म् । च॒ । न । ताः । उ॒भयीः॑ । उ॒दति॑ ।  
 अ॒तिष्ठ॑न् । अ॒रा॒थ्स्म । इति॑ । गो॒स॒त्रमि॑ति गो - स॒त्रम् । वै ।

**TS 7.5.1.2****TS 7.5.1.2****Samhita Paata**

सँवथ्सुरो य एवं विद्वांसः सँवथ्सुर-मुपयन्त्यृद्धवन्त्येव तस्मात् तूपरा वार्षिकौ मासौ पत्वा चरति  
 सुत्राभिजितृह्यस्यै तस्मात् सँवथ्सुरसदो यत् किं च गृहे क्रियते तदाप्त-मवरुद्ध-मभिजितं क्रियते  
 समुद्रं वा एते प्र प्लवन्ते ये सँवथ्सुरमुपयन्ति यो वै समुद्रस्य पारं न पश्यति न वै स तत् उदेति  
 सँवथ्सुरो - [ ]

### Pada Paata

सँवथ्सुर इति सं - वथ्सुरः । ये । एवम् । विद्वांसः । सँवथ्सुरमिति सं - वथ्सुरम् ।  
 उपयन्तीत्युप - यन्ति । ऋद्धवन्ति । एव । तस्मात् । तूपरा । वार्षिकौ । मासौ । पत्वा  
 । चरति । सुत्राभिजितृमिति सुत्र - अभिजितम् । हि । अस्यै । तस्मात् । सँवथ्सुरसद इति  
 सँवथ्सुर - सदः । यत् । किम् । च । गृहे । क्रियते । तत् । आप्तम् । अवरुद्धमित्यव-रुद्धम्  
 । अभिजितृमित्यभि - जितम् । क्रियते । समुद्रम् । वै । एते । प्रेति । प्लवन्ते । ये ।  
 सँवथ्सुरमिति सं - वथ्सुरम् । उपयन्तीत्युप-यन्ति । यः । वै । समुद्रस्य । पारम् । न ।  
 पश्यति । न । वै । सः । ततः । उदिति । एति । सँवथ्सुर इति सं - वथ्सुरः ।

## TS 7.5.1.3

### TS 7.5.1.3

#### Samhita Paata

वै समुद्रस्तस्यैतत् पारं यदतिरात्रौ य एवं विद्वांसः सँवथ्सुर-मुपयन्त्यनीर्ता एवोदचं गच्छन्तीयं  
 वै पूर्वोऽतिरात्रो ऽसावुत्तरो मनः पूर्वो वागुत्तरः प्राणः पूर्वोऽपान उत्तरः प्ररोधनं पूर्व उदयनमुत्तरो

ज्योति॑ष्ठोमो वै॒श्वान॒रो ऽति॒रात्रो भ॑वति॒ ज्योति॑रे॒व पु॒रस्ता॑द्दधते सुव॒र्गस्य॑ लो॒कस्या॑-नु॒ख्यात्यै॑ चतुर्वि॒ंशः  
प्रा॒य॒णीयो॑ भवति॒ चतुर्वि॑ंशति-र॒र्द्धमा॑साः - [ ]

### Pada Paata

वै । सु॒मु॒द्रः । तस्य॑ । ए॒तत् । पा॒रम् । यत् । अ॒ति॒रा॒त्रा॒वित्य॑ति-रा॒त्रौ । ये । ए॒वम् । वि॒द्वा॒ंसः  
। सँ॒व॒त्स॒रमि॑ति सं - व॒त्स॒रम् । उ॒प॒य॒न्तीत्यु॑प - यन्ति॑ । अ॒नो॒र्ताः । ए॒व । उ॒द॒च॒मित्यु॑त् -  
ऋ॒चम् । ग॒च्छ॒न्ति । इ॒यम् । वै । पू॒र्वः । अ॒ति॒रा॒त्र इत्य॑ति - रा॒त्रः । अ॒सौ । उ॒त्त॑र॒ इत्यु॑त्  
- त॒रः । म॒नः । पू॒र्वः । वाक् । उ॒त्त॑र॒ इत्यु॑त् - त॒रः । प्रा॒ण इति॑ प्र - अ॒नः । पू॒र्वः । अ॒पा॒न  
इत्य॑प - अ॒नः । उ॒त्त॑र॒ इत्यु॑त् - त॒रः । प्र॒रो॒ध॒नमि॑ति प्र - रो॒ध॒नम् । पू॒र्वः । उ॒द॒य॒नमि॑त्यु॒त्-  
अ॒य॒नम् । उ॒त्त॑र॒ इत्यु॑त् - त॒रः । ज्योति॑ष्ठोम॒ इति॑ ज्योति॑ः-स्तो॒मः । वै॒श्वान॒रः । अ॒ति॒रा॒त्र  
इत्य॑ति - रा॒त्रः । भ॒वति॑ । ज्योति॑ः । ए॒व । पु॒रस्ता॑त् । दु॒ध॒ते । सु॒व॒र्गस्येति॑ सु॒वः - ग॒स्य॑ ।  
लो॒कस्य॑ । अ॒नु॒ख्या॒त्या इत्य॑नु - ख्या॒त्यै । च॒तुर्वि॑ंश इति॑ चतुः - वि॒ंशः । प्रा॒य॒णीय॑ इति॑  
प्र - अ॒य॒नीयः॑ । भ॒वति॑ । च॒तुर्वि॑ंशतिरिति॑ चतुः - वि॒ंशतिः॑ । अ॒र्द्धमा॑सा इत्य॑र्द्ध - मा॒साः ।

## TS 7.5.1.4

### TS 7.5.1.4

#### Samhita Paata

सँ॒व॒त्स॒रः प्र॒य॒न्त ए॒व सँ॒व॒त्स॒रे प्र॒ति ति॑ष्ठन्ति॒ तस्य॑ त्रीणि॑ च श॒तानि॑ ष॒ष्टिश्च॑ स्तो॒त्रीया॑स्ताव॒तीः  
सँ॒व॒त्स॒रस्य॑ रा॒त्रय॑ उ॒भे ए॒व सँ॒व॒त्स॒रस्य॑ रू॒पे आ॑प्नुवन्ति॒ ते स॑स्थित्या॒ अरि॑ष्ट्या॒ उत्त॑रैर॒होभि॑श्चरन्ति॒  
षड॒हा भ॑वन्ति॒ षड् वा ऋ॒तवः॑ सँ॒व॒त्स॒र ऋ॒तुष्वे॒व सँ॒व॒त्स॒रे प्र॒ति ति॑ष्ठन्ति॒ गौश्चा॑ऽऽ\*यु॑श्च म॒द्ध्य॒तः



स्तोमौ॑ भवतः॑ सँव॒थ्स॒रस्यै॑व तन्मि॑थुनं म॒द्ध्यतो॑ - [ ]

### Pada Paata

सँव॒थ्स॒र इति॑ सं - व॒थ्स॒रः । प्र॒यन्त॑ इति॑ प्र - यन्तः॑ । ए॒व । सँव॒थ्स॒र इति॑ सं - व॒थ्स॒रे ।  
 प्रती॑ति । तिष्ठ॑न्ति । तस्य॑ । त्रीणि॑ । च॒ । श॒तानि॑ । ष॒ष्टिः । च॒ । स्तो॒त्रीयाः॑ । ताव॑तीः  
 । सँव॒थ्स॒रस्येति॑ सं - व॒थ्स॒रस्य॑ । रात्र॑यः । उ॒भे इति॑ । ए॒व । सँव॒थ्स॒रस्येति॑ सं - व॒थ्स॒रस्य॑  
 । रू॒पे इति॑ । आ॒प्नुव॑न्ति । ते । स॒स्थित्या॑ इति॑ सं-स्थि॒त्यै । अरि॑ष्ट्यै । उत्त॑रैरित्युत् - त॒रैः  
 । अहो॑भिरित्यहः-भिः । च॒रन्ति॑ । ष॒डहा॑ इति॑ षट् - अ॒हाः । भ॒वन्ति॑ । षट् । वै । ऋ॒तवः॑  
 । सँव॒थ्स॒र इति॑ सं - व॒थ्स॒रः । ऋ॒तुषु॑ । ए॒व । सँव॒थ्स॒र इति॑ सं-व॒थ्स॒रे । प्रती॑ति । तिष्ठ॑न्ति  
 । गौः । च॒ । आ॒युः । च॒ । म॒द्ध्यतः॑ । स्तोमौ॑ । भ॒वतः॑ । सँव॒थ्स॒रस्येति॑ सं - व॒थ्स॒रस्य॑  
 । ए॒व । तत् । मि॑थुनम् । म॒द्ध्यतः॑ ।

## TS 7.5.1.5

### TS 7.5.1.5

#### Samhita Paata

द॑धति प्र॒जन॑नाय॒ ज्योति॑र॒भितो॑ भवति वि॒मोच॑नमे॒व तच्छ॑न्दा॒स्येव॑ तद्-वि॒मोक् य॑न्त्यथो॑ उ॒भय॑तोज्योति॒षैव॑  
 ष॒डहे॑न॒ सुव॑र्गं लो॒कं य॑न्ति ब्रह्म॒वादि॑नो॒ वद॑न्त्यास॒ते के॑न॒ यन्ती॑ति॒ देव॑यानेन प॒थेति॑ ब्रू॒याच्छ॑न्दा॒सि  
 वै दे॒व्या॒नः प॑न्था॒ गाय॑त्री त्रि॒ष्टुब्-ज॑गती॒ज्योति॑र्वै गा॒यत्री॑ गौ॒स्त्रि॒ष्टुगा॒युर्ज॑गती॒ यदे॑ते स्तोमा॒ भव॑न्ति  
 दे॒व्याने॑नैव - [ ]

**Pada Paata**

दुधृति । प्रजननायेति प्र - जननाय । ज्योतिः । अभितः । भवति । विमोचनमिति वि -  
मोचनम् । एव । तत् । छन्दांसि । एव । तत् । विमोकमिति वि - मोकम् । यन्ति । अथो  
इति । उभयतोज्योतिषेत्युभयतः-ज्योतिषा । एव । षडहेनेति षट्-अहेन । सुवर्गमिति सुवः -  
गम् । लोकम् । यन्ति । ब्रह्मवादिन इति ब्रह्म - वादिनः । वदन्ति । आसते । केन । यन्ति  
। इति । देवयानेनेति देव - यानेन । पथा । इति । ब्रूयात् । छन्दांसि । वै । देवयान  
इति देव - यानः । पन्थाः । गायत्री । त्रिष्टुप् । जगती । ज्योतिः । वै । गायत्री । गौः ।  
त्रिष्टुक् । आयुः । जगती । यत् । एते । स्तोमाः । भवन्ति । देवयानेनेति देव-यानेन । एव ।

**TS 7.5.1.6****TS 7.5.1.6****Samhita Paata**

तत् पथा यन्ति समानः सामं भवति देवलोको वै सामं देवलोकादेव नयन्त्यन्याअन्या ऋचो भवन्ति  
मनुष्यलोको वा ऋचो मनुष्यलोकादेवान्यमन्यं देवलोकमभ्यारोहन्तो यन्त्यभिवर्तो ब्रह्मसामं भवति  
सुवर्गस्य लोकस्याभिवृत्या अभिजिद्भवति सुवर्गस्य लोकस्याभिजित्यै विश्वजिद्भवति विश्वस्य  
जित्यै मासिमांसि पृष्ठान्युप यन्ति मासिमांस्यतिग्राह्या गृह्यन्ते मासिमांस्येव वीर्यं ( ) दधति मासां  
प्रतिष्ठित्या उपरिष्ठान्मासां पृष्ठान्युप यन्ति तस्मादुपरिष्टादोषधयः फलं गृह्णन्ति ॥

**Pada Paata**

तत् । प॒था । य॒न्ति । स॒मा॒नम् । सा॒मं । भ॒व॒ति । दे॒व॒लो॒क इति॑ दे॒व - लो॒कः । वै । सा॒मं । दे॒व॒लो॒कादि॑ति॒ दे॒व - लो॒कात् । ए॒व । न । य॒न्ति । अ॒न्याअ॒न्या इत्य॑न्याः - अ॒न्याः । ऋ॒चः । भ॒व॒न्ति । म॒नु॒ष्य॒लो॒क इति॑ म॒नु॒ष्य - लो॒कः । वै । ऋ॒चः । म॒नु॒ष्य॒लो॒कादि॑ति॒ म॒नु॒ष्य - लो॒कात् । ए॒व । अ॒न्यम॑न्य॒मित्य॑न्यम् - अ॒न्यम् । दे॒व॒लो॒कमि॑ति॒ दे॒व - लो॒कम् । अ॒भ्या॒रोह॑न्त॒ इत्य॑भि॒आ॒रोह॑न्तः । य॒न्ति । अ॒भि॒व॒र्त इत्य॑भि - व॒र्तः । ब्र॒ह्म॒सा॒ममि॑ति॒ ब्र॒ह्म - सा॒मम् । भ॒व॒ति । सु॒व॒र्ग॒स्येति॑ सु॒वः - ग॒स्यं । लो॒क॒स्यं । अ॒भि॒वृ॑त्या इत्य॑भि - वृ॒त्यै । अ॒भि॒जि॑दित्य॑भि - जि॒त् । भ॒व॒ति । सु॒व॒र्ग॒स्येति॑ सु॒वः - ग॒स्यं । लो॒क॒स्यं । अ॒भि॒जि॑त्या इत्य॑भि - जि॒त्यै । वि॒श्व॒जि॑दि॒ति वि॒श्व - जि॒त् । भ॒व॒ति । वि॒श्व॑स्य । जि॒त्यै । मा॒सि॒मा॒सी॒ति मा॒सि - मा॒सि । पृ॒ष्ठानि॑ । उ॒पे॒ति । य॒न्ति । मा॒सि॒मा॒सी॒ति मा॒सि - मा॒सि । अ॒ति॒ग्रा॒ह्या इत्य॑ति - ग्रा॒ह्याः । गृ॒ह्यन्ते॑ । मा॒सि॒मा॒सी॒ति मा॒सि - मा॒सि । ए॒व । वी॒र्य॑म् ( ) । दु॒ध॒ति । मा॒साम् । प्र॒ति॒ष्ठि॒त्या इति॑ प्र॒ति - स्थि॒त्यै । उ॒परि॑ष्ठात् । मा॒साम् । पृ॒ष्ठानि॑ । उ॒पे॒ति । य॒न्ति । तस्मा॑त् । उ॒परि॑ष्ठात् । ओष॑धयः । फ॒लम् । गृ॒ह्णन्ति॑ ॥

**TS 7.5.2.1****TS 7.5.2.1****Samhita Paata**

गा॒वो वा ए॒तथ् स॒त्रमा॑स॒ताशृ॒ङ्गाः स॒तीः शृ॒ङ्गाणि॑ सि॒षांस॑न्ती॒स्तासां॑ द॒श मा॒सा नि॑षण्णा॒ आस॑न्नथ् शृ॒ङ्गाण्य॑जायन्त॒ ता अ॑ब्रुवन्न॒राथ्स्मो॑त् ति॒ष्ठा॒माव॑ तं का॒मम॑रुथ्स्महि॒ येन॑ का॒मेन॑ न्यष॑दा॒मेति॑ तासा॑मु॒ त्वा अ॑ब्रुवन्न॒र्द्धावा॑ याव॑न्ती॒र्वाऽऽसा॑म॒हा ए॒वेमौ॑द्वा॒दशौ॑ मा॒सौ स॑वथ्स॒रः स॒पांघो॑त् ति॒ष्ठा॒मेति॑ तासा॑ - [ ]

**Pada Paata**

गावः । वै । एतत् । सूत्रम् । आसुत् । अशृङ्गाः । सुतीः । शृङ्गाणि । सिषांसन्तीः । तासाम् । दश । मासाः । निषण्णा इति नि - सूत्राः । आसन् । अथ । शृङ्गाणि । अजायन्त । ताः । अब्रुवन् । अरुथ्स्म । उदिति । तिष्ठाम् । अवेति । तम् । कामम् । अरुथ्स्महि । येन । कामेन । न्यषदामेति नि - असदाम । इति । तासाम् । उ । तु । वै । अब्रुवन् । अर्धाः । वा । यावतीः । वा । आसामहे । एव । इमौ । द्वादशौ । मासौ । सुवत्सरमिति सं - वत्सरम् । सुपाद्येति सं - पाद्य । उदिति । तिष्ठाम् । इति । तासाम् ।

**TS 7.5.2.2****TS 7.5.2.2****Samhita Paata**

द्वादशे मासि शृङ्गाणि प्रावर्तन्त श्रद्धया वाऽश्रद्धया वा ता इमा यास्तूपरा उभय्यो वाव ता और्द्ध्वन् । याश्च शृङ्गाण्यसन्वन् । याश्चोर्जमवारुन्धतर्द्धोति दशसु मासूत्तिष्ठन्वृद्धोति द्वादशसु य एवं वेद पदेन खलु वा एते यन्ति विन्दति खलु वै पदेन यन् तद्वा एतद्वद्वमयन् तस्मा ( ) देतद्-गोसनि ॥

**Pada Paata**

द्वादशे । मासि । शृङ्गाणि । प्रेति । अवर्तन्त । श्रद्धयेति श्रद्धया । वा । अश्रद्धयेत्यश्रद्ध -

ध्या॒ । वा॒ । ताः । इ॒माः । याः । तू॒प्राः । उ॒भ्यः । वाव॒ । ताः । आ॒र्ध्व॒व॒ । याः ।  
 च॒ । शृ॒ङ्गाणि॑ । अ॒स॒न्व॒ । याः । च॒ । ऊ॒र्ज॑म् । अ॒वा॒रु॑न्ध॒तेत्य॑व - अ॒रु॑न्ध॒त । ऋ॒द्धो॒ति॑ ।  
 द॒श॒स्वि॒ति॑ द॒श - सु॒ । मा॒सु॒ । उ॒त्ति॒ष्ठ॒न्नित्यु॑त्-ति॒ष्ठ॒न्न । ऋ॒द्धो॒ति॑ । द्वा॒द॒श॒स्वि॒ति॑ द्वा॒द॒श - सु॒ ।  
 यः । ए॒वम् । वे॒द॑ । प॒देन॑ । ख॒लु॑ । वै । ए॒ते । य॒न्ति॒ । वि॒न्द॒ति॑ । ख॒लु॑ । वै । प॒देन॑ ।  
 य॒न् । त॒त् । वै । ए॒तत् । ऋ॒द्धम् । अ॒य॑नम् । तस्मा॑त् ( ) । ए॒तत् । गो॒स॒नी॒ति॑ गो - स॒नि॑ ॥

## TS 7.5.3.1

### TS 7.5.3.1

#### Samhita Paata

प्र॒थ॒मे मा॒सि॒ पृ॒ष्ठान्यु॑प॒ यन्ति॑ म॒द्ध्य॒मे उ॒प॒ यन्त्यु॑त्त॒म उ॒प॒ यन्ति॑ तदा॑हुर्या॒ वै त्रि॒रेक॑स्या॒हं उ॒प॒सीद॑न्ति  
 द॒हं वै सा॒ऽप॒रा॒भ्यां दो॒हा॒भ्यां दु॒हेऽथ॑ कु॒तः सा धो॑क्ष॒य॒ते यां द्वा॒द॒श कृ॒त्वं उ॒प॒सीद॑न्तीति॑ स॒व॒त्स॒र॑  
 स॒पा॒द्यो॒त्त॒मे मा॒सि स॒कृ॒त् पृ॒ष्ठान्यु॑पेयु॒स्तद्-य॑ज॒मा॒ना य॒ज्ञं प॒शू॒न॒वं रु॑न्ध॒ते स॒मु॒द्रं वा - [ ]

#### Pada Paata

प्र॒थ॒मे । मा॒सि॒ । पृ॒ष्ठानि॑ । उ॒पे॒ति॑ । य॒न्ति॒ । म॒द्ध्य॒मे । उ॒पे॒ति॑ । य॒न्ति॒ । उ॒त्त॒म इ॒त्यु॑त् - त॒मे  
 । उ॒पे॒ति॑ । य॒न्ति॒ । त॒त् । आ॒हुः । या॒म् । वै । त्रिः । ए॒क॑स्य । अ॒हः । उ॒प॒सीद॑न्तीत्यु॒प  
 - सीद॑न्ति । द॒हम् । वै । सा । अ॒प॒रा॒भ्याम् । दो॒हा॒भ्याम् । दु॒हे । अ॒थ॑ । कु॒तः । सा ।  
 धो॒क्ष॒य॒ते । या॒म् । द्वा॒द॒श । कृ॒त्वं । उ॒प॒सीद॑न्तीत्यु॒प - सीद॑न्ति । इति॑ । स॒व॒त्स॒र॑मिति॑ सं -  
 व॒त्स॒र॑म् । स॒पा॒द्येति॑ सं - पा॒द्य॑ । उ॒त्त॒म इ॒त्यु॑त् - त॒मे । मा॒सि॒ । स॒कृ॒त् । पृ॒ष्ठानि॑ । उ॒पे॒ति॑

। इ॒युः । तत् । यज॑मानाः । य॒ज्ञम् । प॒शून् । अवे॑ति । रु॒न्ध॒ते । स॒मु॒द्र॒म् । वै ।

## TS 7.5.3.2

### TS 7.5.3.2

#### Samhita Paata

ए॒तेन॑वा॒रम॑पा॒रं प्र प्ल॑वन्ते ये सँव॑त्स॒रमु॑प॒यन्ति॑ यद् बृ॑हद्-रथन्त॒रे अ॒न्व॒र्जे॒युर्य॑था म॒द्ध्ये स॒मु॒द्र॒स्य॑  
प्ल॒वम॑न्व॒र्जे॒युस्ता॒दृक् तदनु॑त्स॒र्गं बृ॑हद्-रथन्त॒राभ्या॑मि॒त्वा प्र॑ति॒ष्ठां ग॑च्छन्ति॒ सर्वे॑भ्यो॒ वै का॑मे॒भ्यः  
स॒न्धि॒र्दुहे॑ तद्-यज॑मानाः सर्वा॒न् का॑मा॒नव॑ रुन्धते ॥

#### Pada Paata

ए॒ते । अ॒न॒वा॒रम् । अ॒पा॒रम् । प्रे॒ति । प्ल॑वन्ते । ये । सँव॑त्स॒रमि॒ति सं - व॑त्स॒रम् । उ॒प॒य॒न्तीत्यु॑प॒  
- यन्ति॑ । यत् । बृ॑हद्-रथन्त॒रे इति॑ बृ॒हत् - र॒थन्त॒रे । अ॒न्व॒र्जे॒युरित्य॑नु - अ॒र्जे॒युः । यथा॑ । म॒द्ध्ये  
। स॒मु॒द्र॒स्य॑ । प्ल॒वम् । अ॒न्व॒र्जे॒युरित्य॑नु - अ॒र्जे॒युः । ता॒दृक् । तत् । अनु॑त्स॒र्गमित्य॑नुत् - स॒र्गम्  
। बृ॑हद्-रथन्त॒राभ्या॑मि॒ति बृ॒हत् - र॒थन्त॒राभ्या॑म् । इ॒त्वा । प्र॑ति॒ष्ठामि॒ति प्र॑ति - स्था॒म् । ग॑च्छन्ति॒  
। सर्वे॑भ्यः । वै । का॑मे॒भ्यः । स॒न्धिरि॒ति सं - धिः । दु॒हे । तत् । यज॑मानाः । सर्वा॒न् ।  
का॑मा॒न् । अवे॑ति । रु॒न्ध॒ते ॥

## TS 7.5.4.1

### TS 7.5.4.1

#### Samhita Paata

सु॒मा॒न्यं ऋ॒चो भव॑न्ति म॒नुष्य॑लो॒को वा ऋ॒चो म॒नुष्य॑लो॒कादे॒व न य॑न्त्य॒न्यद॑न्य॒थ सामं॑ भवति  
दे॒वलो॒को वै सामं॑ दे॒वलो॒कादे॒वान्य॑म॒न्यं म॒नुष्य॑लो॒कं प्र॑त्य॒वरो॑ह॒न्तो य॑न्ति जग॑ती॒मग्र॑ उप॑ यन्ति  
जग॑ती॒ वै छ॒न्दा॑श्सि प्र॒त्यव॑रोह॒न्त्या-ग्र॑य॒णं ग्र॑हा॒ बृ॒हत् पृ॒ष्ठानि॑ त्रय॒स्त्रि॑श॒स्तोमा॑-स्तस्मा॒-ज्या॑या॒सं  
कनी॑यान् प्र॒त्यव॑रोहति वै॒श्वक॑र्म॒णो गृ॑ह्यते॒विश्व॑ान्ये॒व तेन॑ कर्मा॑णि यज॑माना॒ अव॑ रुन्धत आ॒दित्यो॑-  
]

#### Pada Paata

सु॒मा॒न्यः । ऋ॒चः । भ॒व॒न्ति । म॒नुष्य॑लो॒क इति॑ म॒नुष्य॑ - लो॒कः । वै । ऋ॒चः । म॒नुष्य॑लो॒कादि॑ति  
म॒नुष्य॑ - लो॒कात् । ए॒व । न । य॒न्ति । अ॒न्यद॑न्य॒दित्य॑न्यत् - अ॒न्यत् । सामं॑ । भ॒व॒ति  
। दे॒वलो॒क इति॑ दे॒व - लो॒कः । वै । सामं॑ । दे॒वलो॒कादि॑ति दे॒व - लो॒कात् । ए॒व ।  
अ॒न्यम॑न्य॒मित्य॑न्यं - अ॒न्यम् । म॒नुष्य॑लो॒कमि॑ति म॒नुष्य॑ - लो॒कम् । प्र॑त्य॒वरो॑ह॒न्त इति॑ प्रति -  
अ॒वरो॑ह॒न्तः । य॒न्ति । जग॑तीम् । अ॒ग्रे । उपे॑ति । य॒न्ति । जग॑तीम् । वै । छ॒न्दा॑श्सि ।  
प्र॑त्य॒वरो॑ह॒न्तीति॑ प्रति - अ॒वरो॑ह॒न्ति । आ॒ग्र॒य॒णम् । ग्र॑हाः । बृ॒हत् । पृ॒ष्ठानि॑ । त्रय॒स्त्रि॑श॒मिति॑  
त्रयः - त्रि॑शम् । स्तोमाः । तस्मा॑त् । ज्या॑या॒सम् । कनी॑यान् । प्र॑त्य॒वरो॑ह॒तीति॑ प्रति -  
अ॒वरो॑हति । वै॒श्वक॑र्म॒ण इति॑ वैश्व - क॒र्म॒णः । गृ॑ह्यते । वि॒श्वानि॑ । ए॒व । तेन॑ । कर्मा॑णि ।  
यज॑मानाः । अ॒वेति॑ । रु॒न्ध॒ते । आ॒दित्यः॑ ।

## TS 7.5.4.2

### TS 7.5.4.2

#### Samhita Paata

गृह्यते इयं वा अदितिरस्यामेव प्रति तिष्ठन्त्यन्योऽन्यो गृह्येते मिथुनत्वाय प्रजात्या अवान्तरं वै  
दशरात्रेण प्रजापतिः प्रजा असृजत् यद्-दशरात्रो भवति प्रजा एव तद्-यजमानाः सृजन्त एतां ह  
वा उदुङ्कः शौल्बायनः सत्रस्यर्द्धमुवाच यद्-दशरात्रो यद्-दशरात्रो भवति सत्रस्यर्द्धा अथो यदेव  
पूर्वेष्वहस्सु विलोम क्रियते तस्यैव ( )-षा शान्तिः ॥

#### Pada Paata

गृह्यते । इयम् । वै । अदितिः । अस्याम् । एव । प्रतीतिं । तिष्ठन्ति । अन्योन्य इत्यन्यः  
- अन्यः । गृह्येते इति । मिथुनत्वायेति मिथुन - त्वायं । प्रजात्या इति प्र - जात्यै ।  
अवान्तरमित्येव - अन्तरम् । वै । दशरात्रेणेति दश - रात्रेण । प्रजापतिरिति प्रजा - पतिः  
। प्रजा इति प्र - जाः । असृजत् । यत् । दशरात्र इति दश - रात्रः । भवति । प्रजा  
इति प्र - जाः । एव । तत् । यजमानाः । सृजन्ते । एताम् । ह । वै । उदुङ्कः ।  
शौल्बायनः । सत्रस्य । ऋद्धिम् । उवाच । यत् । दशरात्र इति दश - रात्रः । यत् ।  
दशरात्र इति दश - रात्रः । भवति । सत्रस्य । ऋद्ध्यै । अथो इति । यत् । एव । पूर्वेषु  
। अहस्स्वित्यहः - सु । विलोमेति वि - लोम् । क्रियते । तस्य । एव ( ) । एषा । शान्तिः ॥



## TS 7.5.5.1

### TS 7.5.5.1

#### Samhita Paata

यदि॑ सोमौ॑ स॒सु॒तौ॑ स्यातां॑ म॒ह॒ति रात्रि॑यै प्रातरनुवा॒क-मु॒पाकु॑र्यात् पूर्वो॑ वाचं॑ पूर्वो॑ देवताः॑ पूर्वः॑  
छन्दा॑सि वृ॒द्धे वृष॑ण्वतीं प्रतिपदं॑ कुर्यात् प्रातस्सव॒नादे॒वैषा॑मिन्द्रं॑ वृ॒द्धे ऽथो॑ खल्वा॒हुःस॒वनमु॒खे-  
स॒वनमु॒खे का॒र्येति॑ सवनमु॒खात् स॒वनमु॒खा-दे॒वैषा॑मिन्द्रं॑ वृ॒द्धे सं॒वेशा॑योपवेशाय॑ गायत्रिया॒स्त्रिष्टु॒भो  
जग॑त्या अनु॒ष्टुभः॑ प॒ङ्क्त्या॑ अ॒भिभू॑त्यै स्वाहा॑ छन्दा॑सि वै सं॒वेश॑ उपवेशः॑ छन्दो॑भिरे॒वैषां॑- [ ]

#### Pada Paata

यदि॑ । सोमौ॑ । स॒सु॒तौ॑विति॒ सं - सु॒तौ । स्यातां॑ । म॒ह॒ति । रात्रि॑यै । प्रा॒त॒रनु॒वा॒कमि॑ति  
प्रातः॑ - अ॒नुवा॒कम् । उ॒पाकु॑र्यादित्यु॒प - आकु॑र्यात् । पूर्वः॑ । वाचं॑ । पूर्वः॑ । देवताः॑ ।  
पूर्वः॑ । छन्दा॑सि । वृ॒द्धे । वृष॑ण्वतीमिति॒ वृष॑णं - व॒तीम् । प्र॒तिप॑दमिति॒ प्रति॑ - प॒दम् ।  
कु॒र्यात् । प्रा॒त॒स्सव॒नादि॑ति॒ प्रातः॑-स॒वनात् । ए॒व । ए॒षाम् । इन्द्रं॑ । वृ॒द्धे । अथो॑ इति॒  
। खल्वा॑ । आ॒हुः । स॒वनमु॒खेस॒वनमु॒ख इति॑ सवनमु॒खे - स॒वनमु॒खे । का॒र्या । इति॑ ।  
स॒वनमु॒खात्स॒वनमु॒खादि॑ति॒ सवनमु॒खात् - स॒वनमु॒खात् । ए॒व । ए॒षाम् । इन्द्रं॑ । वृ॒द्धे ।  
सं॒वेशा॑येति॒ सं - वे॒शाय॑ । उ॒प॒वे॒शायेत्यु॒प - वे॒शाय॑ । गा॒य॒त्रि॒याः । त्रि॒ष्टु॒भः । जग॑त्याः ।  
अ॒नु॒ष्टु॒भ इत्यनु॑ - स्तु॒भः । प॒ङ्क्त्याः । अ॒भिभू॑त्या इत्यभि॑ - भू॒त्यै । स्वाहा॑ । छन्दा॑सि । वै  
। सं॒वेश॑ इति॒ सं - वे॒शः । उ॒प॒वे॒श इत्यु॒प - वे॒शः । छन्दो॑भिरिति॒ छन्दः॑ - भिः॑ । ए॒व । ए॒षाम् ।

## TS 7.5.5.2

### TS 7.5.5.2

#### Samhita Paata

छन्दा॑सि वृ॒द्धे स॒जनी॑यः॒ शस्यं॑ वि॒हव्यः॑ शस्यं॑म॒गस्त्य॑स्य क॒याशु॑भीयः॒ शस्यं॑मे॒ताव॒द्वा अ॑स्ति  
याव॑दे॒तद्-याव॑दे॒वास्ति॑ तदे॒षां वृ॒द्धे यदि॑ प्रा॒तस्स॒वने॑ क॒लशो॑ दी॒र्येत॑ वैष्ण॒वीषु॑ शि॒पिवि॒ष्टव॑तीषु स्तु॒वीर॑न्-यद्वै  
य॒ज्ञस्या॑-ति॒रिच्य॑ते विष्णुं॑ तच्छि॑पि॒विष्टम॑भ्यति॑ रिच्यते॒ तद्विष्णुः॑ शि॒पिवि॒ष्टोऽति॑रिक्त ए॒वाति॑रिक्तं दधा॒त्यथो॑  
अति॑रिक्तेनै॒वा-ति॑रिक्तमा॒त्वाऽव॑ ( ) रु॒न्धते॑ यदि॑ म॒द्ध्यन्दि॑ने दी॒र्येत॑ वष॒ट्कार॑नि॒धनः॑ सामं॑ कुर्यु॒र्वष॒ट्कारो॑  
वै य॒ज्ञस्य॑ प्र॒तिष्ठा॑ प्र॒तिष्ठामे॒वैन॑द्-गम॒यन्ति॑ यदि॑ तृतीय॑स॒वने॑ ए॒तदे॒व ॥

#### Pada Paata

छन्दा॑सि । वृ॒द्धे । स॒जनी॑यमि॒ति स - ज॒नीय॑म् । शस्य॑म् । वि॒हव्य॑मि॒ति वि - ह॒व्यम् ।  
शस्य॑म् । अ॒गस्त्य॑स्य । क॒याशु॑भीयमि॒ति क॒या-शु॑भीय॑म् । शस्य॑म् । ए॒ताव॑त् । वै । अ॒स्ति  
। याव॑त् । ए॒तत् । याव॑त् । ए॒व । अ॒स्ति । तत् । ए॒षाम् । वृ॒द्धे । यदि॑ । प्रा॒तस्स॒वने॑  
इति॑ प्रा॒तः - स॒वने॑ । क॒लशः॑ । दी॒र्येत॑ । वैष्ण॒वीषु॑ । शि॒पिवि॒ष्टव॑तीष्वि॒ति शि॒पिवि॒ष्ट - व॒तीषु॑  
। स्तु॒वीर॑न् । यत् । वै । य॒ज्ञस्य॑ । अ॒तिरिच्य॑तु॒ इत्य॑ति - रिच्य॑ते । विष्णु॑म् । तत् ।  
शि॒पिवि॒ष्टमि॒ति शि॒पि - वि॒ष्टम् । अ॒भि । अ॒तीति॑ । रिच्य॑ते । तत् । विष्णुः॑ । शि॒पिवि॒ष्ट इति॑  
शि॒पि - वि॒ष्टः । अ॒तिरिक्त॑ इत्य॑ति- रि॒क्ते । ए॒व । अ॒तिरिक्त॑मित्य॑ति - रि॒क्तम् । दधा॒ति । अथो॑  
इति॑ । अ॒तिरिक्ते॑नेत्य॑ति - रि॒क्तेन॑ । ए॒व । अ॒तिरिक्त॑मित्य॑ति - रि॒क्तम् । आ॒त्वा । अ॒वेति॑ ( )  
। रु॒न्धते॑ । यदि॑ । म॒द्ध्यन्दि॑ने । दी॒र्येत॑ । वष॒ट्कार॑नि॒धन॑मि॒ति वष॒ट्कार - नि॒धन॑म् । सामं॑ ।  
कुर्युः॑ । वष॒ट्कार॑ इति॑ वषट् - का॒रः । वै । य॒ज्ञस्य॑ । प्र॒तिष्ठेति॑ प्र॒ति - स्था॑ । प्र॒तिष्ठामि॒ति प्र॒ति  
- स्था॑म् । ए॒व । ए॒तत् । ग॒मय॑न्ति । यदि॑ । तृतीय॑स॒वने॑ इति॑ तृतीय - स॒वने॑ । ए॒तत् । ए॒व ॥

## TS 7.5.6.1

### TS 7.5.6.1

#### Samhita Paata

षडुहैर्मासान्त् सृपांघाहरुथ् सृजन्ति षडुहैर्हि मासान्त् सृपंश्यन्त्य-र्द्धमासैर्मासान्त् सृपांघाहरुथ्  
 सृजन्त्य-र्द्धमासैर्हि मासान्त् सृपंश्यन्त्यमावास्याया मासान्त् सृपांघाहरुथ् सृजन्त्यमावास्याया हि  
 मासान्त् सृपंश्यन्ति पौर्णमास्या मासान्त् सृपांघाहरुथ् सृजन्ति पौर्णमास्या हि मासान्त् सृपंश्यन्ति  
 यो वै पूर्ण आसिञ्चति परा स सिञ्चति यः पूर्णादुदचति - [ ]

#### Pada Paata

षडुहैरिति षट् - अहैः । मासान् । सृपांघेति सं - पाद्यं । अहैः । उदिति । सृजन्ति ।  
 षडुहैरिति षट् - अहैः । हि । मासान् । सृपंश्यन्तीति सं - पश्यन्ति । अर्द्धमासैरित्यर्द्ध -  
 मासैः । मासान् । सृपांघेति सं - पाद्यं । अहैः । उदिति । सृजन्ति । अर्द्धमासैरित्यर्द्ध -  
 मासैः । हि । मासान् । सृपंश्यन्तीति सं - पश्यन्ति । अमावास्यायेत्यमा - वास्याया । मासान्  
 । सृपांघेति सं - पाद्यं । अहैः । उदिति । सृजन्ति । अमावास्यायेत्यमा - वास्याया । हि ।  
 मासान् । सृपंश्यन्तीति सं-पश्यन्ति । पौर्णमास्येति पौर्ण-मास्या । मासान् । सृपांघेति सं - पाद्यं  
 । अहैः । उदिति । सृजन्ति । पौर्णमास्येति पौर्ण - मास्या । हि । मासान् । सृपंश्यन्तीति  
 सं - पश्यन्ति । यः । वै । पूर्ण । आसिञ्चतीत्याँ - सिञ्चति । परेति । सः । सिञ्चति । यः  
 । पूर्णात् । उदचतीत्युत् - अचति ।

## TS 7.5.6.2

### TS 7.5.6.2

#### Samhita Paata

प्राणमस्मिन्त्स दधाति यत् पौर्णमास्या मासान्त्स सपांद्याहर्त्स सृजन्ति संवत्सरायैव तत् प्राणं  
दधाति तदनुं सृत्रिणः प्राणन्ति यदहर्नोत्स-सृजेयुर्यथा दतिरुपनद्धो विपतत्येवः संवत्सरो वि पतेदार्ति-  
माच्छेयुर्यत् पौर्णमास्या मासान्त्स-सपांद्याहर्त्स सृजन्ति संवत्सरायैव तदुदानं दधाति तदनुं सृत्रिण  
उ - [ ]

#### Pada Paata

प्राणमिति प्र - अनम् । अस्मिन् । सः । दधाति । यत् । पौर्णमास्येति पौर्ण - मास्या ।  
मासान् । सपांद्येति सं - पाद्यं । अहः । उत्सृजन्तीत्युत् - सृजन्ति । संवत्सरायेति सं-वत्सराय  
। एव । तत् । प्राणमिति प्र - अनम् । दधाति । तत् । अन्विति । सृत्रिणः । प्रेति ।  
अनन्ति । यत् । अहः । न । उत्सृजेयुरित्युत्-सृजेयुः । यथा । दतिः । उपनद्ध इत्युप -  
नद्धः । विपततीति वि - पतति । एवम् । संवत्सर इति सं - वत्सरः । वीति । पतेत् ।  
आर्तिम् । एति । ऋच्छेयुः । यत् । पौर्णमास्येति पौर्ण - मास्या । मासान् । सपांद्येति सं  
- पाद्यं । अहः । उत्सृजन्तीत्युत् - सृजन्ति । संवत्सरायेति सं - वत्सराय । एव । तत् ।  
उदानमित्युत् - अनम् । दधाति । तत् । अन्विति । सृत्रिणः । उदिति ।

## TS 7.5.6.3

### TS 7.5.6.3

#### Samhita Paata

दे॒नन्ति॑ नाऽऽर्ति॑माच्छन्ति॑ पूर्ण॑मा॒से वै दे॒वानां॑ सु॒तो यत् पौ॑र्णमा॒स्या मासा॑न्थ-स॒पांघाह॑रुथ॒ सृज॑न्ति॒  
दे॒वाना॑मे॒व तद्-य॒ज्ञेन॑ य॒ज्ञं प्र॒त्यव॑रोहन्ति॒ वि वा ए॒तद्-य॒ज्ञं छि॑न्दन्ति॒ यथ॑ षड॒हस॑न्त॒तः सं॒तम॑थाह॑रुथ॒  
सृज॑न्ति॒ प्राजा॑प॒त्यं प॒शुमा ल॑भन्ते प्र॒जाप॑तिः॒ सर्वा॑ दे॒वता॑ दे॒वता॑भिरे॒व य॒ज्ञः सं त॑न्वन्ति॒ यन्ति॑ वा  
ए॒ते स॒र्वना॑द्येऽहं -[ ]

#### Pada Paata

अ॒न॒न्ति । न । आ॒र्ति॑म् । ए॒ति । ऋ॒च्छ॒न्ति । पूर्ण॑मा॒स इति॑ पूर्ण - मा॒से । वै । दे॒वाना॑म्  
। सु॒तः । यत् । पौ॑र्णमा॒स्येति॑ पौर्ण - मा॒स्या । मासा॑न् । स॒पांघेति॑ सं - पा॒घ । अहः॑ ।  
उ॒थ्सृज॑न्तीत्य॑त् - सृज॑न्ति॒ । दे॒वाना॑म् । ए॒व । तत् । य॒ज्ञेन॑ । य॒ज्ञम् । प्र॒त्यव॑रोह॑न्तीति॑ प्रति  
- अ॒व॑रोहन्ति॒ । वी॒ति । वै । ए॒तत् । य॒ज्ञम् । छि॑न्दन्ति॒ । यत् । षड॒हस॑न्त॒तमि॑ति॒ षड॒ह -  
स॒न्त॒तम् । सन्त॑म् । अथ॑ । अहः॑ । उ॒थ्सृज॑न्तीत्यु॑त् - सृज॑न्ति॒ । प्रा॒जाप॑त्यमि॒ति प्राजा॑-प॒त्यम्  
। प॒शुम् । ए॒ति । ल॑भन्ते । प्र॒जाप॑तिरि॒ति प्र॒जा-प॑तिः । सर्वाः॑ । दे॒वताः॑ । दे॒वता॑भिः । ए॒व  
। य॒ज्ञम् । स॒मि॒ति । त॒न्व॒न्ति । यन्ति॑ । वै । ए॒ते । स॒र्वना॑त् । ये । अहः॑ ।

## TS 7.5.6.4

### TS 7.5.6.4

#### Samhita Paata

-रुथ् सृजन्ति तुरीयं खलु वा एतथ् सवनं यथ् सांनाय्यं यथ् सांनाय्यं भवति तेनैव सवनान्न यन्ति समुपहूय भक्षयन्त्येतथ्- सोमपीथा ह्येतरहिं यथायतनं वा एतेषां सवनभाजो देवता गच्छन्ति येऽहरुथ् सृजन्त्यनुसवनं पुरोडाशान् निर्वपन्ति यथायतनादेव सवनभाजो देवता अव रुन्धते ऽष्टाकपालान् प्रातस्सवन एकादशकपालान् माद्व्यन्दिने सवने द्वादशकपालां-स्तृतीयसवने छन्दांस्येवाऽऽस्वा ( ) -ऽव रुन्धते वैश्वदेवं चरुं तृतीयसवने निर्वपन्ति वैश्वदेवं वै तृतीयसवनं तेनैव तृतीयसवनान्न यन्ति ॥

#### Pada Paata

उथ्सृजन्तीत्युत् - सृजन्ति । तुरीयम् । खलु । वै । एतत् । सवनम् । यत् । सांनाय्यमिति सांनाय्यम् । यत् । सांनाय्यमिति सांनाय्यम् । भवति । तेन । एव । सवनात् । न । यन्ति । समुपहूयेति सं - उपहूय । भक्षयन्ति । एतथ्सोमपीथा इत्येतत् - सोमपीथाः । हि । एतरहिं । यथायतनमिति यथा - अयतनम् । वै । एतेषां । सवनभाज इति सवन - भाजः । देवताः । गच्छन्ति । ये । अहः । उथ्सृजन्तीत्युत् - सृजन्ति । अनुसवनमित्यनु - सवनम् । पुरोडाशान् । निरिति । वपन्ति । यथायतनादिति यथा - आयतनात् । एव । सवनभाज इति सवन - भाजः । देवताः । अवेति । रुन्धते । ऽष्टाकपालानित्यष्टा - कपालान् । प्रातस्सवन इति प्रातः - सवने । एकादशकपालानित्येकादश - कपालान् । माद्व्यन्दिने । सवने । द्वादशकपालानिति द्वादश - कपालान् । तृतीयसवन इति तृतीय - सवने । छन्दांसि । एव । आस्वा ( ) । अवेति । रुन्धते । वैश्वदेवमिति वैश्व-देवम् । चरुम् । तृतीयसवन इति

तृतीय-सुवने । निरिति । वृप्ति । वैश्वदेवमिति वैश्व - देवम् । वै । तृतीयसुवनमिति तृतीय - सुवनम् । तेन । एव । तृतीयसुवनादिति तृतीय - सुवनात् । न । यन्ति ॥

## TS 7.5.7.1

### TS 7.5.7.1

#### Samhita Paata

उ॒थ्सृज्यां(३)नो॒थ्सृज्या(३)मिति॑ मीमा॑सन्ते ब्रह्म॑वादि॒न॒-स्तद्वा॑हु॒रु॒थ् सृज्य॑मे॒वेत्य॑-मावा॒स्यायां॑ च पौर्ण॑मा॒स्यां  
चो॒थ्-सृज्य॑मित्या॒हुरे॒ते हि य॒ज्ञं॑ वह॑त॒ इति॑ ते त्वाव॑ नो॒थ्सृज्ये॑ इत्या॒हुर्ये॑ अ॒वान्तरं॑ य॒ज्ञं भे॒जाते॑ इति॒  
या प्र॑थ॒मा व्य॑ष्टका॒ तस्या॑मु॒थ्-सृज्य॑मित्या॒हुरे॒ष वै मा॒सो वि॑श॒र इति॑ नाऽऽदि॑ष्ट - [ ]

#### Pada Paata

उ॒थ्सृज्या(३)मित्यु॑त् - सृज्या(३)म् । न । उ॒थ्सृज्या(३)मित्यु॑त्- सृज्या(३)म् । इति॑ । मी॒मा॑स॒न्ते  
। ब्रह्म॑वादि॒न॒ इति॑ ब्रह्म - वादि॒नः । तत् । उ॒ । आ॒हुः । उ॒थ्सृज्य॑मित्यु॑त् - सृज्य॑म् । एव ।  
इति॑ । अ॒मा॒वा॒स्याया॑मित्य॑मा - वा॒स्याया॑म् । च॒ । पौर्ण॑मा॒स्यामिति॑ पौर्ण - मा॒स्याम् । च॒ ।  
उ॒थ्सृज्य॑मित्यु॑त् - सृज्य॑म् । इति॑ । आ॒हुः । ए॒ते इति॑ । हि । य॒ज्ञम् । वह॑तः । इति॑ । ते  
इति॑ । तु । वाव॑ । न । उ॒थ्सृज्ये॑ इत्यु॑त् - सृज्ये॑ । इति॑ । आ॒हुः । ये इति॑ । अ॒वा॒न्तर॑मित्य॑व  
- अ॒न्तर॑म् । य॒ज्ञम् । भे॒जाते॑ इति॑ । इति॑ । या । प्र॑थ॒मा । व्य॑ष्टकेति॒ वि - अ॒ष्टका॑ । तस्या॑म्  
। उ॒थ्सृज्य॑मित्यु॑त् - सृज्य॑म् । इति॑ । आ॒हुः । ए॒षः । वै । मा॒सः । वि॑श॒र इति॑ वि - श॒रः  
। इति॑ । न । आदि॑ष्टमित्या - दिष्टम् ।

## TS 7.5.7.2

### TS 7.5.7.2

#### Samhita Paata

-मु॒थ्सृ॒जेयु॒-र्यदादिष्ट॒-मु॒थ्सृ॒जेयु॒र्यादृ॒शे पुनः॑ पर्या॒प्ला॒वे म॒द्वये॑ षड॒हस्यं॑ स॒प॒द्ये॒त षड॒हैर्मा॒सा॒न्थ स॒पां॒द्य  
यत् स॒प्त॒म- म॒ह॒स्तस्मि॒न्नु॒थ सृ॒जेयु॒-स्तद॒ग्नये॑ वसु॒मते॑ पु॒रो॒डाश॑म॒ष्टाक॑पालं॒ निर्व॑पेयु॒रैन्द्रं॑ द॒धीन्द्रा॑य  
म॒रु॒त्व॒न्ते पु॒रो॒डाश॑मेका॒दश॑कपालं॒ वैश्व॑दे॒वं द्वा॒द॒श॑कपाल॒म॒ग्ने॒र्वै वसु॑मतः प्रा॒तस्स॒व॒नं यद॒ग्नये॑ वसु॒मते॑  
पु॒रो॒डाश॑म॒ष्टाक॑पालं॒ निर्व॑प॒न्ति दे॒वता॑मे॒व तद्-भा॒गिनी॑ कुर्व॒न्ति - [ ]

#### Pada Paata

उ॒दि॒ति॑ । सृ॒जेयुः॑ । यत् । आ॒दि॒ष्ट॒मि॒त्या - दि॒ष्टम् । उ॒थ्सृ॒जेयु॒रित्यु॑त् - सृ॒जेयुः॑ । या॒दृ॒शे॑ । पुनः॑  
। पर्या॒प्ला॒व इति॑ परि - आ॒प्ला॒वे । म॒द्वये॑ । षड॒ह॒स्येति॑ षट् - अ॒ह॒स्यं । स॒प॒द्ये॒तेति॑ सं - प॒द्ये॒त ।  
षड॒हैरि॑ति॒ षट् - अ॒हैः । मा॒सा॒न॑ । स॒पां॒द्येति॑ सं - पा॒द्यं । यत् । स॒प्त॒मम् । अ॒हः॑ । तस्मि॒न् ।  
उ॒दि॒ति॑ । सृ॒जेयुः॑ । तत् । अ॒ग्नये॑ । वसु॒म॒त॒ इति॑ वसु॑ - म॒ते । पु॒रो॒डाश॑म् । अ॒ष्टाक॑पाल॒मित्य॑ष्टा  
- क॒पालम् । नि॒रि॒तिः । व॒पेयुः॑ । ऐ॒न्द्रम् । द॒धि॑ । इन्द्रा॑य । म॒रु॒त्व॒न्ते । पु॒रो॒डाश॑म् ।  
एका॒द॒श॑कपाल॒मित्येका॑द॒श - क॒पालम् । वैश्व॑दे॒वमि॑ति॒ वैश्व॑-दे॒वम् । द्वा॒द॒श॑कपाल॒मि॒ति॒ द्वा॒द॒श -  
क॒पालम् । अ॒ग्नेः॑ । वै । वसु॒म॒त॒ इति॑ वसु॑ - म॒तः॑ । प्रा॒तस्स॒व॒नमि॑ति॒ प्रा॒तः - स॒व॒नम् । यत्  
। अ॒ग्नये॑ । वसु॒म॒त॒ इति॑ वसु॑-म॒ते॑ । पु॒रो॒डाश॑म् । अ॒ष्टाक॑पाल॒मित्य॑ष्टा - क॒पालम् । निर्व॑प॒न्तीति॑  
निः - व॒प॒न्ति॑ । दे॒वता॑म् । ए॒व । तत् । भा॒गिनी॑म् । कुर्व॒न्ति॑ ।



## TS 7.5.7.3

### TS 7.5.7.3

#### Samhita Paata

सर्वनमष्टाभिरुपं यन्ति यदैन्द्रं दधि भवतीन्द्रमेव तद्-भागधेयान्न च्यावयन्तीन्द्रस्य वै मरुत्वतो  
माद्ध्यन्दिनः सर्वनं यदिन्द्राय मरुत्वते पुरोडाशमेकादशकपालं निर्वपन्ति देवतामेव तद्-भागिनीं  
कुर्वन्ति सर्वनमेकादशभिरुपं यन्ति विश्वेषां वै देवानामृभुमतां तृतीयसर्वनयद्-वैश्वदेवं द्वादशकपालं  
निर्वपन्ति देवता एव तद्-भागिनीः कुर्वन्ति सर्वनं द्वादशभिः - [ ]

#### Pada Paata

सर्वनम् । अष्टाभिः । उपेति । यन्ति । यत् । ऐन्द्रम् । दधि । भवति । इन्द्रम् । एव । तत्  
। भागधेयादिति भाग-धेयात् । न । च्यावयन्ति । इन्द्रस्य । वै । मरुत्वतः । माद्ध्यन्दिनम्  
। सर्वनम् । यत् । इन्द्राय । मरुत्वते । पुरोडाशम् । एकादशकपालमित्येकादश - कपालम्  
। निर्वपन्तीति निः-वपन्ति । देवताम् । एव । तत् । भागिनीम् । कुर्वन्ति । सर्वनम् ।  
एकादशभिरित्येकादश - भिः । उपेति । यन्ति । विश्वेषाम् । वै । देवानाम् । ऋभुमतामित्यृभु  
- मताम् । तृतीयसर्वनमिति तृतीय-सर्वनम् । यत् । वैश्वदेवमिति वैश्व-देवम् । द्वादशकपालमिति  
द्वादश - कपालम् । निर्वपन्तीति निः - वपन्ति । देवताः । एव । तत् । भागिनीः । कुर्वन्ति  
। सर्वनम् । द्वादशभिरिति द्वादश - भिः ।

**TS 7.5.7.4****TS 7.5.7.4****Samhita Paata**

-रुपं यन्ति प्राजापत्यं पशुमा लभन्ते यज्ञो वै प्रजापति-यज्ञस्या-ननुसर्गायाभिवर्त इतः षण्मासो ब्रह्मसामं भवति ब्रह्म वा अभिवर्तो ब्रह्मणैव तथ सुवर्गं लोक-मभिवर्तयन्तो यन्ति प्रतिकूलमिव हीतः सुवर्गो लोक इन्द्रं क्रतुं न आ भर पिता पुत्रेभ्यो यथा । शिक्षां नो अस्मिन् पुरुहूत यामनि जीवा ज्योतिरशीमहीत्य ( )-मुत आयताः षण्मासो ब्रह्मसामं भवत्ययं वै लोको ज्योतिः प्रजा ज्योतिरिममेव तल्लोकं पश्यन्तोऽभिवदन्त आ यन्ति ॥

**Pada Paata**

उपेति । यन्ति । प्राजापत्यमिति प्राजा - पत्यम् । पशुम् । एति । लभन्ते । यज्ञः । वै । प्रजापतिरिति प्राजा - पतिः । यज्ञस्य । अननुसर्गायेत्यननु - सर्गाय । अभिवर्त इत्यभि - वर्तः । इतः । षट् । मासः । ब्रह्मसाममिति ब्रह्म - सामम् । भवति । ब्रह्म । वै । अभिवर्त इत्यभि - वर्तः । ब्रह्मणा । एव । तत् । सुवर्गमिति सुवः - गम् । लोकम् । अभिवर्तयन्त इत्यभि - वर्तयन्तः । यन्ति । प्रतिकूलमिति प्रति - कूलम् । इव । हि । इतः । सुवर्ग इति सुवः - गः । लोकः । इन्द्रं । क्रतुम् । नः । एति । भर । पिता । पुत्रेभ्यः । यथा ॥ शिक्षां । नः । अस्मिन् । पुरुहूतेति पुरु - हूत । यामनि । जीवाः । ज्योतिः । अशीमहि । इति ( ) । अमुतः । आयतामित्या - यताम् । षट् । मासः । ब्रह्मसाममिति ब्रह्म-सामम् । भवति । अयम् । वै । लोकः । ज्योतिः । प्रजेति प्र-जा । ज्योतिः । इमम् । एव । तत् । लोकम् । पश्यन्तः । अभिवदन्तइत्यभि - वदन्तः । एति । यन्ति ॥

**TS 7.5.8.1****TS 7.5.8.1****Samhita Paata**

दे॒वानां॑ वा अ॒न्तं जु॒ग्मुषा॑मिन्द्रि॒यं वी॒र्य॑-मपा॑क्रामत् तत् क्रो॒शेना॑वा॒रुन्ध॑त् तत् क्रो॒शस्य॑ क्रो॒शत्वं य॑त्  
 क्रो॒शेन॑ चा॒त्वाल्स्यान्ते॑ स्तु॒वन्ति॑ य॒ज्ञस्यै॑वान्तं॑ ग॒त्वेन्द्रि॒यं वी॒र्य॑मव॑ रुन्धते स॒त्रस्य॑द्ध्या ऽऽह॒वनी॑य॒स्यान्ते॑  
 स्तु॒वन्त्य॒ग्नि-मे॒वोप॑द्-॒ष्टारं॑ कृ॒त्वर्द्धि॑मुप॑ यन्ति प्र॒जाप॑तेरु॒हद॑येन ह॒विर्द्धाने॑ऽन्तः स्तु॒वन्ति॑ प्रे॒माणं॑मे॒वास्य॑  
 ग॒च्छन्ति॑ श्लो॒केन॑ पु॒रस्ता॑थ स॒दसः॑ - [ ]

**Pada Paata**

दे॒वाना॑म् । वै । अ॒न्तम् । जु॒ग्मुषा॑म् । इन्द्रि॒यम् । वी॒र्य॑म् । अपे॒तिं । अ॒क्राम॑त् । तत् ।  
 क्रो॒शेन॑ । अ॒वेति॑ । अ॒रुन्ध॑त् । तत् । क्रो॒शस्य॑ । क्रो॒शत्व॑मि॒तिं क्रो॒श - त्वम् । य॑त् ।  
 क्रो॒शेन॑ । चा॒त्वाल्स्य॑ । अ॒न्ते । स्तु॒वन्ति॑ । य॒ज्ञस्य॑ । ए॒व । अ॒न्तम् । ग॒त्वा । इन्द्रि॒यम्  
 । वी॒र्य॑म् । अ॒वेति॑ । रु॒न्धते॑ । स॒त्रस्य॑द्ध्या । आ॒ह॒वनी॑य॒स्येत्या॑ - ह॒वनी॑य॒स्य । अ॒न्ते ।  
 स्तु॒वन्ति॑ । अ॒ग्निम् । ए॒व । उ॒प॒द्र॒ष्टार॑मि॒त्यूप॑ - द्र॒ष्टार॑म् । कृ॒त्वा । ऋ॒द्धि॑म् । उ॒पेति॑ । य॒न्ति  
 । प्र॒जाप॑तेरु॒हद॑येन । ह॒विर्द्धाने॑ इति॑ ह॒विः - धाने॑ । अ॒न्तः । स्तु॒वन्ति॑ । प्रे॒माण॑म् । ए॒व ।  
 अ॒स्य । ग॒च्छन्ति॑ । श्लो॒केन॑ । पु॒रस्ता॑त् । स॒दसः॑ ।

## TS 7.5.8.2

### TS 7.5.8.2

#### Samhita Paata

स्तुवन्त्यनु॑श्लोकेन प॒श्चाद्-य॒ज्ञस्यै॑वान्तं॑ ग॒त्वा श्लो॑कभाजो॑ भवन्ति न॒वभि॑-र॒द्धुर्यु॑रुद्-गा॑यति न॒व वै पुरु॑षे  
प्रा॒णाः प्रा॒णाने॒व यज॑मानेषु दधाति॑ सर्वा॑ ऐन्द्रि॒यो भव॑न्ति प्रा॒णेष्वे॒वेन्द्रि॒यं द॑ध्-त्यप्रति॑हृताभि॒रुद्-  
गा॑यति तस्मा॒त् पुरु॑षः सर्वा॑ण्य॒न्यानि॑ शी॒र्ष्णोऽङ्गा॑नि प्रत्य॑चति॒ शिर॑ ए॒व न पञ्च॑दश॒रथ॑न्त॒रं  
भव॑तीन्द्रि॒यमे॒वाव॑ रुन्धते सप्त॑दशं-[ ]

#### Pada Paata

स्तु॒वन्ति॑ । अनु॑श्लोकेनेत्यनु॑ - श्लो॒केन॑ । प॒श्चात् । य॒ज्ञस्य॑ । ए॒व । अन्त॑म् । ग॒त्वा । श्लो॒कभाज॑  
इति॑ श्लोक - भाजः॑ । भ॒वन्ति॑ । न॒वभि॑रिति॑ न॒व - भिः॑ । अ॒द्धुर्युः॑ । उ॒दिति॑ । गा॒यति॑ ।  
न॒व । वै । पुरु॑षे । प्रा॒णा इति॑ प्र - अ॒नाः । प्रा॒णानिति॑ प्र - अ॒नान् । ए॒व । यज॑मानेषु ।  
द॒धाति॑ । सर्वाः॑ । ऐन्द्रि॒यः । भ॒वन्ति॑ । प्रा॒णेष्विति॑ प्र - अ॒नेषु॑ । ए॒व । इन्द्रि॒यम् । द॒धति॑ ।  
अप्रति॑हृताभि॒रित्यप्रति॑ - हृता॒भिः । उ॒दिति॑ । गा॒यति॑ । तस्मा॑त् । पुरु॑षः । सर्वा॑णि । अ॒न्यानि॑  
। शी॒र्ष्णः । अ॒ङ्गा॑नि । प्रती॑ति । अ॒चति॑ । शिरः॑ । ए॒व । न । पञ्च॑दशमिति॑ पञ्च - दशम्  
। रथ॑न्त॒रमिति॑ रथं-त॒रम् । भ॒वति॑ । इन्द्रि॒यम् । ए॒व । अवे॑ति । रुन्ध॑ते । सप्त॑दशमिति॑ सप्त  
- दशम् ।

## TS 7.5.8.3

### TS 7.5.8.3

#### Samhita Paata

बृह-दुन्नाद्यस्यावरुद्ध्या अथो प्रैव तेन जायन्त एकविंशं भुद्रं द्विपदासु प्रतिष्ठित्यै पत्नय उप गायन्ति  
मिथुनत्वाय प्रजात्यै प्रजापतिः प्रजा असृजत् सोऽकामयत्ताऽऽसामहः राज्यं परीयामिति तासां  
राजनेनैव राज्यं पर्येत तद्-राजनस्य राजनत्वं यद्-राजनं भवति प्रजानामेव तद्-यजमाना राज्यं परि  
यन्ति पञ्चविंशं भवति प्रजापते - [ ]

#### Pada Paata

बृहत् । अन्नाद्यस्येत्यन्न - अद्यस्य । अवरुद्ध्या इत्यव - रुद्ध्यै । अथो इति । प्रेति । एव  
। तेन । जायन्ते । एकविंशमित्येक - विंशम् । भुद्रम् । द्विपदास्विति द्वि - पदासु ।  
प्रतिष्ठित्या इति प्रति - स्थित्यै । पत्नयः । उपेति । गायन्ति । मिथुनत्वायेति मिथुन - त्वाय  
। प्रजात्या इति प्र - जात्यै । प्रजापतिरिति प्रजा - पतिः । प्रजा इति प्र-जाः । असृजत्  
। सः । अकामयत् । आसाम् । अहम् । राज्यम् । परीति । इयाम् । इति । तासाम्  
। राजनेन । एव । राज्यम् । परीति । ऐत् । तत् । राजनस्य । राजनत्वमिति राजन -  
त्वम् । यत् । राजनम् । भवति । प्रजानामिति प्र - जानाम् । एव । तत् । यजमानाः ।  
राज्यम् । परीति । यन्ति । पञ्चविंशमिति पञ्च - विंशम् । भवति । प्रजापतेरिति प्रजा - पतेः ।

**TS 7.5.8.4****TS 7.5.8.4****Samhita Paata**

-रा॒स्यै॑ प॒ञ्चभि॑-स्तिष्ठ॑न्तः स्तुव॑न्ति दे॒वल॒ोकमे॒वाभि॑ ज॒यन्ति॑ प॒ञ्चभि॑रासी॒ना म॑नुष्यल॒ोकमे॒वाभि॑ ज॒यन्ति॑  
द॒श संप॑द्यन्ते द॒शाक्ष॑रा वि॒राडन्नं॑ वि॒राड् वि॒राजै॑वा-न्नाद्य॒मव॑ रुन्ध॒ते पञ्च॑धा वि॒निषद्य॑ स्तुव॑न्ति पञ्च  
दि॒शो दि॒क्ष्वेव॑ प्र॒ति॒तिष्ठ॑न्त्येकै॒कया॑ऽस्तु॒तया॑ स॒माय॑न्ति दि॒ग्भ्य ए॒वान्नाद्य॑ सं भ॑रन्ति ताभि॑-रु॒द्रातो॑द्-  
गा॒यति॑ दि॒ग्भ्य ए॒वान्नाद्य॑- [ ]

**Pada Paata**

आ॒स्यै॑ । प॒ञ्चभि॑रिति॑ प॒ञ्च - भिः॑ । तिष्ठ॑न्तः । स्तुव॑न्ति । दे॒वल॒ोकमि॑ति॒ देव॑ - ल॒ोकम् । ए॒व ।  
अ॒भीति॑ । ज॒यन्ति॑ । प॒ञ्चभि॑रिति॑ प॒ञ्च - भिः॑ । आसी॑नाः । म॒नुष्य॑ल॒ोकमि॑ति॒ मनु॑ष्य - ल॒ोकम् ।  
ए॒व । अ॒भीति॑ । ज॒यन्ति॑ । द॒श । स॒मिति॑ । प॒द्यन्ते॑ । द॒शाक्ष॑रेति॒ दश॑ - अ॒क्षरा॑ । वि॒राडिति॑  
वि - राट् । अन्न॑म् । वि॒राडिति॑ वि - राट् । वि॒राजेति॑ वि - राजा॑ । ए॒व । अ॒न्नाद्य॑मित्य॑न्न  
-अद्य॑म् । अवे॑ति । रुन्ध॑ते । प॒ञ्चधेति॑ पञ्च - धा । वि॒निषद्येति॑ वि - नि॒षद्य॑ । स्तुव॑न्ति ।  
पञ्च॑ । दि॒शः । दि॒क्षु । ए॒व । प्र॒तीति॑ । तिष्ठ॑न्ति । एकै॑क॒येत्येक॑या - एक॒या । अस्तु॑तया  
। स॒माय॑न्तीति॒ सं - आ॒यन्ति॑ । दि॒ग्भ्य इति॑ दिक् - भ्यः । ए॒व । अ॒न्नाद्य॑मित्य॑न्न - अद्य॑म् ।  
स॒मिति॑ । भर॑न्ति । ताभिः॑ । उ॒द्राते॑त्यु॒त् - गा॒ता । उ॒दिति॑ । गा॒यति॑ । दि॒ग्भ्य इति॑ दिक् -  
भ्यः । ए॒व । अ॒न्नाद्य॑मित्य॑न्न - अद्य॑म् ।

**TS 7.5.8.5****TS 7.5.8.5****Samhita Paata**

सुभृत्य तेजं आत्मन् दधते तस्मादेकः प्राणः सर्वाण्यङ्गान्यवत्यथो यथा सुपर्ण उत्पतिष्यञ्छिरं उत्तमं कुरुते एवमेव तद्-यजमानाः प्रजानामुत्तमा भवन्त्यासन्दी-मुद्राता ऽऽरोहति साम्राज्यमेव गच्छन्ति प्लेङ्गम् होता नाकस्यैव पृष्ठम् रोहन्ति कूर्चावद्धर्यु-ब्रह्मस्यैव विष्टपं गच्छन्त्येतावन्तो वै देवलोकास्तेष्वेव यथापूर्वं प्रति ( ) तिष्ठन्त्यथो आक्रमणमेव तत् सेतुं यजमानाः कुर्वते सुवर्गस्य लोकस्य समष्ट्यै ॥

**Pada Paata**

सुभृत्येति सं - भृत्यं । तेजः । आत्मन् । दधते । तस्मात् । एकः । प्राण इति प्र - अनः । सर्वाणि । अङ्गानि । अवति । अथो इति । यथा । सुपर्ण इति सु - पर्णः । उत्पतिष्यन्नित्युत् - पतिष्यन् । शिरः । उत्तममित्युत् - तमम् । कुरुते । एवम् । एव । तत् । यजमानाः । प्रजानामिति प्र - जानाम् । उत्तमा इत्युत् - तमाः । भवन्ति । आसन्दीमित्या - सन्दीम् । मुद्रातेत्युत् - गाता । एति । रोहति । साम्राज्यमिति सां - राज्यम् । एव । गच्छन्ति । प्लेङ्गम् । होता । नाकस्य । एव । पृष्ठम् । रोहन्ति । कूर्चो । अद्धर्युः । ब्रह्मस्य । एव । विष्टपम् । गच्छन्ति । एतावन्तः । वै । देवलोका इति देव - लोकाः । तेषु । एव । यथापूर्वमिति यथा - पूर्वम् । प्रतीति ( ) । तिष्ठन्ति । अथो इति । आक्रमणमित्या - क्रमणम् । एव । तत् । सेतुम् । यजमानाः । कुर्वते । सुवर्गस्येति सुवः-गस्य । लोकस्य । समष्ट्या इति सं - अष्ट्यै ॥

## TS 7.5.9.1

### TS 7.5.9.1

#### Samhita Paata

अ॒र्क्येण॑ वै स॒हस्र॑शः प्र॒जाप॑तिः प्र॒जा अ॑सृजत् ताभ्य॑ इलौ॑दे॒नेरां॑ लू॒तामवा॑रुन्ध॒ यदु॑र्क्यं भव॑ति प्र॒जा  
ए॒व तद्-यज॑मानाः सृजन्त॒ इलौ॑दं भवति प्र॒जाभ्य॑ ए॒व सृ॑ष्टाभ्य॒ इरां॑ लू॒तामव॑ रुन्धते॒ तस्मा॑द्याः समाः॑  
स॒त्रः स॒मृद्धं॑ क्षो॒धुका॑स्ताः समां॑ प्र॒जा इष॑ ह्यासा॒मूर्ज॑मा॒दद॑ते याः समां॑ व्यृ॒द्ध-मक्षो॑धुका॒स्ताः समां॑  
प्र॒जा - [ ]

#### Pada Paata

अ॒र्क्येण॑ । वै । स॒हस्र॑श इति॑ सहस्र - शः । प्र॒जाप॑तिरिति॑ प्र॒जा - प॒तिः । प्र॒जा इति॑ प्र -  
जाः । अ॒सृज॑त् । ताभ्यः॑ । इलौ॑न्देन । इरा॑म् । लू॒ताम् । अवे॑ति । अ॒रुन्ध॑ । यत् ।  
अ॒र्क्यम् । भव॑ति । प्र॒जा इति॑ प्र - जाः । ए॒व । तत् । यज॑मानाः । सृज॑न्ते । इलौ॑न्दम्  
। भव॑ति । प्र॒जाभ्य॑ इति॑ प्र - जाभ्यः॑ । ए॒व । सृ॑ष्टाभ्यः॑ । इरा॑म् । लू॒ताम् । अवे॑ति ।  
रुन्ध॑ते । तस्मा॑त् । याम् । समा॑म् । स॒त्रम् । स॒मृद्धमि॑ति सं - ऋद्धम् । क्षो॒धुकाः॑ । ताम् ।  
समा॑म् । प्र॒जा इति॑ प्र - जाः । इष॑म् । हि । आ॒साम् । ऊ॒र्जम् । आ॒दद॑त॒ इत्या॑ - दद॑ते ।  
याम् । समा॑म् । व्यृ॒द्धमि॑ति वि - ऋद्धम् । अक्षो॑धुकाः । ताम् । समा॑म् । प्र॒जा इति॑ प्र - जाः ।



**TS 7.5.9.2****TS 7.5.9.2****Samhita Paata**

न ह्यासा॒मिष॒मूर्ज॑मा॒दद॑त उत्क्रो॒दं कु॑र्वते॒ यथा॑ ब॒न्धान्-मु॑मुचा॒ना उत्क्रो॒दं कु॑र्वते॒ एवमे॒व तद्-यज॑माना  
 देव॒ब॒न्धान्-मु॑मुचा॒ना उत्क्रो॒दं कु॑र्वत॒ इष॒मूर्ज॑मा॒त्मन् द॑धाना वा॒णः श॑तत॑न्तुर्भवति॒ शता॑युः पुरु॑षः  
 श॑तेन्द्रि॒य आयु॑ष्येवेन्द्रि॒ये प्र॑ति॒ तिष्ठ॑न्त्या॒जिं धा॑व॒न्त्यन॑भिजितस्या॒भिजि॑त्यै दु॒न्दुभी॑न्थ॒ समा॑घ्नन्ति॒ पर॑मा  
 वा ए॒षा वा॒ग्या दु॑न्दुभौ॒ पर॑मामे॒व - [ ]

**Pada Paata**

न । हि । आ॒साम् । इष॑म् । ऊ॒र्जम् । आ॒दद॑त॒ इत्या॑ - द॑दते । उत्क्रो॒दमित्यु॑त् - क्रो॒दम् ।  
 कु॑र्वते । यथा॑ । ब॒न्धात् । मु॑मुचा॒नाः । उत्क्रो॒दमित्यु॑त् - क्रो॒दम् । कु॑र्वते । ए॒वम् । ए॒व ।  
 तत् । यज॑मानाः । दे॒व॒ब॒न्धादि॑ति॒ दे॒व॒ब॒न्धात् । मु॑मुचा॒नाः । उत्क्रो॒दमित्यु॑त् - क्रो॒दम् । कु॑र्वते  
 । इष॑म् । ऊ॒र्जम् । आ॒त्मन् । द॑धानाः । वा॒णः । श॑तत॑न्तुरि॒ति श॑त - त॒न्तुः । भ॒वति॑ ।  
 श॑तायुरि॒ति श॑त - आ॒युः । पुरु॑षः । श॑तेन्द्रि॒य इति॑ श॑त - इन्द्रि॒यः । आयु॑षि । ए॒व । इन्द्रि॒ये  
 । प्र॑तीति॒ । तिष्ठ॑न्ति । आ॒जिम् । धा॑व॒न्ति । अ॒न॒भिजि॑त॒स्येत्य॑न॒भि - जि॑त॒स्य । अ॒भिजि॑त्या  
 इत्य॒भि - जि॑त्यै । दु॒न्दुभी॑न् । स॒मा॒घ्नन्ती॑ति॒ सं - आ॒घ्नन्ति॑ । प॒र॒मा । वै । ए॒षा । वाक् । या  
 । दु॒न्दुभौ॑ । प॒र॒माम् । ए॒व ।

**TS 7.5.9.3****TS 7.5.9.3****Samhita Paata**

वाच॑मव॑ रुन्ध॑ते भूमि॑दुन्दु॑भिमा॑ घ्नन्ति॑ यैवेमां॑ वाक् प्रवि॑ष्टा तामे॑वाव॑ रुन्ध॑ते ऽथो॑ इ॒मामे॑व ज॑यन्ति॒  
 सर्वा॑ वाचो॑ वदन्ति॒ सर्वा॑सां॑ वा॒चामव॑रुद्ध्या॒ आर्द्रे॑चर्मन् व्याय॑च्छेते इन्द्रि॑यस्या व॑रुद्ध्या॒ आऽन्यः॑  
 क्रोश॑ति प्रा॒न्यः श॑सति॒ य आ॒क्रोश॑ति पु॒नात्ये॑वैना॒न्त्स यः प्र॑श॑सति पू॒तेष्वे॑वान्नाद्यं॑ दधा॒त्यृषि॑कृतं  
 च - [ ]

**Pada Paata**

वाच॑म् । अवे॑ति । रुन्ध॑ते । भूमि॑दुन्दु॑भिमि॑ति भूमि - दुन्दु॑भिम् । एति॑ । घ्नन्ति॑ । या ।  
 एव । इ॒माम् । वाक् । प्रवि॑ष्टेति प्र - वि॑ष्टा । ताम् । एव । अवे॑ति । रुन्ध॑ते । अथो॑  
 इति॑ । इ॒माम् । एव । ज॑यन्ति । सर्वाः॑ । वाचः॑ । वद॑न्ति । सर्वा॑साम् । वा॒चाम् ।  
 अव॑रुद्ध्या॒ इत्यव॑ - रुद्ध्यै॑ । आ॒र्द्रे । चर्मन्॑ । व्याय॑च्छेते इति॑ वि-आय॑च्छेते । इन्द्रि॑यस्य  
 । अव॑रुद्ध्या॒ इत्यव॑ - रुद्ध्यै॑ । एति॑ । अ॒न्यः । क्रोश॑ति । प्रेति॑ । अ॒न्यः । श॑सति  
 । यः । आ॒क्रोश॑तीत्या॑-क्रोश॑ति । पु॒नाति॑ । एव । ए॒नान् । सः । यः । प्र॑श॑सतीति॑ प्र  
 - श॑सति । पू॒तेषु॑ । एव । अ॒न्नाद्य॑मित्य॑न्न - अद्य॑म् । दधा॑ति । ऋषि॑कृत॑मित्यृषि॑-कृत॑म् । च ।

## TS 7.5.9.4

### TS 7.5.9.4

#### Samhita Paata

वा ए॒ते दे॒वकृ॑तं च॒ पूर्वे॑र्मासै॒रव॑ रु॒न्धते॒ यद्-भू॑तेच्छ॒दाऽ॒ सामा॑नि॒ भव॑न्त्यु॒भय॑स्याव॒रुद्ध॑यै॒ यन्ति॒ वा  
ए॒ते मि॑थु॒नाद्ये॑ स॒व॒थ्स॒र-मु॑प॒यन्त्य॑न्त॒र्वेदि॑ मि॒थुनौ॑ सं भ॒वत॑स्तेनै॒व मि॑थु॒नाच्च॑ य॒न्ति ॥

#### Pada Paata

वै । ए॒ते । दे॒वकृ॑त॒मिति॑ दे॒व-कृ॑त॒म् । च॒ । पूर्वे॑ः । मा॒सैः । अ॒वेति॑ । रु॒न्ध॒ते । यत् ।  
भू॒तेच्छ॒दामि॑ति॒ भू॒ते - छ॒दा॑म् । सामा॑नि । भव॑न्ति । उ॒भय॑स्य । अ॒वरु॑द्ध॒या इत्य॑व॒ - रु॒द्ध॒यै  
। यन्ति॑ । वै । ए॒ते । मि॑थु॒नात् । ये । स॒व॒थ्स॒रमि॑ति॒ सं-व॒थ्स॒रम् । उ॒प॒यन्ती॑त्यु॒प-यन्ति॑ ।  
अ॒न्त॒र्वेदी॑त्य॒न्तः - वे॒दि । मि॑थु॒नौ । स॒मिति॑ । भ॒वतः॑ । तेन॑ । ए॒व । मि॑थु॒नात् । न । य॒न्ति ॥

## TS 7.5.10.1

### TS 7.5.10.1

#### Samhita Paata

च॒र्माव॑ भि॒न्दन्ति॑ पा॒प्मान॑मे॒वैषा॑म॒व॑ भि॒न्दन्ति॑ माऽप॑ रा॒थ्सी॒र्माऽति॑ व्या॒थ्सी॒रित्या॑ह॒ संप्र॑त्ये॒वैषा॑ पा॒प्मान॑म॒व॑  
भि॒न्दन्त्यु॑दकु॒म्भान॑धि॒नि॒धाय॑ दा॒स्यो॑ मा॒र्जा॒लीयं॑ परि॑ नृ॒त्यन्ति॑ प॒दो नि॑घ्न॒तीरि॑दं॒मधुं॑ गा॒यन्त्यो॑ मधु॒ वै

दे॒वानां॑ प॒र॒म॒-म॒न्नाद्यं॑ प॒र॒म॒मे॒वा॒-न्नाद्य॑म॒वं रु॒न्ध॒ते प॒दो नि घ्न॑न्ति म॒ही॒यामे॒वैषु॑ द॒धति॑ ॥

### Pada Paata

च॒र्म । अ॒वेति॑ । भि॒न्द॒न्ति । पा॒प्मान॑म् । ए॒व । ए॒षाम् । अ॒वेति॑ । भि॒न्द॒न्ति । मा । अ॒पेति॑  
 । रा॒थ्सीः । मा । अ॒तीति॑ । व्या॒थ्सीः । इति॑ । आ॒ह । स॒प्र॒तीति॑ सं - प्र॒ति । ए॒व । ए॒षाम्  
 । पा॒प्मान॑म् । अ॒वेति॑ । भि॒न्द॒न्ति । उ॒दु॒कु॒म्भानि॑त्यु॒द॒-कु॒म्भान् । अ॒धि॒नि॒धाये॑त्य॒धि - नि॒धाय॑ ।  
 दा॒स्यः । मा॒र्जा॒लीय॑म् । प॒रीति॑ । नृ॒त्यन्ति॑ । प॒दः । नि॒घ्न॒ती॒रिति॑ नि - घ्न॒तीः । इ॒दंम॑धु॒मिती॑दं  
 - म॒धुम् । गा॒य॒न्त्यः । म॒धु । वै । दे॒वाना॑म् । प॒र॒मम् । अ॒न्नाद्य॑मित्य॒न्न - अ॒द्यम् । प॒र॒मम्  
 । ए॒व । अ॒न्नाद्य॑मित्य॒न्न - अ॒द्यम् । अ॒वेति॑ । रु॒न्ध॒ते । प॒दः । नी॒ति । घ्न॑न्ति । म॒ही॒याम् ।  
 ए॒व । ए॒षु । द॒धति॑ ॥

## TS 7.5.11.1

### TS 7.5.11.1

### Samhita Paata

पृ॒थि॒व्यै स्वा॒हा ऽन्त॑रि॒क्षाय॑ स्वा॒हा दि॒वे स्वा॒हा सं॒श्लो॒ष्यते॑ स्वा॒हा सु॒प्ल॒वंमा॑नाय॒ स्वाहा॑ सं॒प्लु॒ताय॑  
 स्वा॒हा मे॒घायि॑ष्य॒ते स्वा॒हा मे॒घाय॑ते स्वा॒हा मे॒घि॒ताय॑ स्वा॒हा मे॒घाय॑ स्वा॒हा नी॒हा॒राय॑ स्वा॒हा नि॒हाका॑यै  
 स्वा॒हा प्रा॒स॒चाय॑ स्वा॒हा प्र॒च॒लाका॑यै स्वा॒हा वि॒द्योति॑ष्य॒ते स्वा॒हा वि॒द्योत॑मानाय॒ स्वाहा॑ सँवि॒द्योत॑मानाय॒  
 स्वा॒हा स्त॒नयि॑ष्य॒ते स्वा॒हा स्त॒नय॑ते स्वा॒हो -ग्र॑ः स्त॒नय॑ते स्वा॒हा वर॑षि॒ष्यते॑ स्वा॒हा वर॑ष॒ते स्वा॒हा  
 ऽभि॒वर॑ष॒ते स्वा॒हा परि॑वर॒षते॑ स्वा॒हा सँवर॑ष॒ते - [ ]

**Pada Paata**

पृथिव्यै । स्वाहा । अन्तरिक्षाय । स्वाहा । दिवे । स्वाहा । स॒प्त॒ऽऽ॒ष्य॒त इति॑ सं - प्लोष्य॒ते  
 । स्वाहा । स॒प्त॒व॒मा॒ना॒येति॑ सं - प्ल॒व॒मा॒नाय॑ । स्वाहा । स॒प्त॒ता॒येति॑ सं-प्लु॒ता॒य॒ । स्वाहा ।  
 मे॒घा॒यि॒ष्य॒ते । स्वाहा । मे॒घा॒य॒त इति॑ मेघ - य॒ते । स्वाहा । मे॒घि॒ताय॑ । स्वाहा । मे॒घाय॑  
 । स्वाहा । नी॒हा॒राय॑ । स्वाहा । नि॒हा॒का॒या इति॑ नि-हा॒का॒यै । स्वाहा । प्रा॒स॒चाय॑ । स्वाहा  
 । प्र॒च॒ला॒का॒या इति॑ प्र - च॒ला॒का॒यै । स्वाहा । वि॒द्यो॒ति॒ष्य॒त इति॑ वि - द्यो॒ति॒ष्य॒ते । स्वाहा ।  
 वि॒द्यो॒त॒मा॒ना॒येति॑ वि - द्यो॒त॒मा॒नाय॑ । स्वाहा । स॒वि॒द्यो॒त॒मा॒ना॒येति॑ सं-वि॒द्यो॒त॒मा॒नाय॑ । स्वाहा ।  
 स्त॒न॒यि॒ष्य॒ते । स्वाहा । स्त॒न॒य॑ते । स्वाहा । उ॒ग्रम् । स्त॒न॒य॑ते । स्वाहा । व॒रू॒षि॒ष्य॒ते ।  
 स्वाहा । व॒रू॒ष॑ते । स्वाहा । अ॒भि॒व॒रू॒ष॑त॒ इत्य॑भि - व॒रू॒ष॑ते । स्वाहा । प॒रि॒व॒रू॒ष॑त॒ इति॑ परि -  
 व॒रू॒ष॑ते । स्वाहा । स॒व॒रू॒ष॑त॒ इति॑ सं - व॒रू॒ष॑ते ।

**TS 7.5.11.2****TS 7.5.11.2****Samhita Paata**

स्वाहा ऽनुव॒रू॒ष॑ते स्वाहा शी॒का॒यि॒ष्य॒ते स्वाहा शी॒का॒य॒ते स्वाहा शी॒कि॒ताय॑ स्वाहा॒प्रो॒षि॒ष्य॒ते स्वाहा  
 प्रु॒ष्ण॒ते स्वाहा परि॒प्रु॒ष्ण॒ते स्वाहा॒दृ॒ही॒ष्य॒ते स्वाहा॒ दृ॒ढ॒ते स्वाहा॒दृ॒ही॒ताय॑ स्वाहा वि॒प्लो॒ष्य॒ते स्वाहा  
 वि॒प्ल॒व॒मा॒नाय॑ स्वाहा वि॒प्लु॒ताय॑ स्वाहा ऽऽत॒फ॒स्य॒ते स्वाहा ऽऽत॒प॑ते स्वाहा॒-ग॒मा॒त॒प॑ते स्वाहा -ग॒र्भ्यः  
 स्वाहा य॒जु॒र्भ्यः स्वाहा सा॒म॒र्भ्यः स्वाहा ऽङ्गि॒रो॒भ्यः स्वाहा वे॒दे॒भ्यः स्वाहा गा॒थो॒भ्यः स्वाहा  
 ना॒रा॒श॒सी॒भ्यः स्वाहा रै॒भी॒भ्यः स्वाहा ( ) स॒र्व॒स्मै स्वाहा ॥

**Pada Paata**

स्वाहा॑ । अनु॒वर॒ष॑त॒ इत्य॑नु - वर॒ ष॑ते । स्वाहा॑ । शी॒का॒यि॒ष्य॑ते । स्वाहा॑ । शी॒का॒य॒त॒ इति॑ शी॒क॒  
- य॑ते । स्वाहा॑ । शी॒कि॒ताय॑ । स्वाहा॑ । प्रो॒षि॒ष्य॑ते । स्वाहा॑ । प्रु॒ष्ण॑ते । स्वाहा॑ । परि॒प्रु॒ष्ण॑त॒  
इति॑ परि - प्रु॒ष्ण॑ते । स्वाहा॑ । उ॒द्धृ॒ही॒ष्य॑त॒ इत्यु॑त् - ग्र॒ही॒ष्य॑ते । स्वाहा॑ । उ॒द्धृ॒ह॒त॒ इत्यु॑त् - गृ॒ह्ण॑ते  
। स्वाहा॑ । उ॒द्धृ॒ही॒ताये॑त्युत् - गृ॒ही॒ताय॑ । स्वाहा॑ । वि॒प्लो॒ष्य॑त॒ इति॑ वि - प्लो॒ष्य॑ते । स्वाहा॑ ।  
वि॒प्ल॒व॑मा॒नाये॑ति॒ वि - प्ल॒व॑मा॒नाय॑ । स्वाहा॑ । वि॒प्लु॒ताये॑ति॒ वि - प्लु॒ताय॑ । स्वाहा॑ । आ॒त॒प॒स्य॑त॒  
इत्या॑ - त॒प॒स्य॑ते । स्वाहा॑ । आ॒त॒प॑त॒ इत्या॑ - त॒प॑ते । स्वाहा॑ । उ॒ग्रम् । आ॒त॒प॑त॒ इत्या॑ -  
त॒प॑ते । स्वाहा॑ । ऋ॒ग्भ्य॑ इत्यृक् - भ्यः । स्वाहा॑ । य॒जु॒र्भ्य॑ इति॒ य॒जुः - भ्यः । स्वाहा॑ ।  
सा॒म॒भ्य॑ इति॒ सा॒म॑ - भ्यः । स्वाहा॑ । अ॒ङ्गि॒रो॒भ्य॑ इत्यङ्गि॒रः - भ्यः । स्वाहा॑ । वे॒दे॒भ्यः । स्वाहा॑  
। गा॒था॒भ्यः । स्वाहा॑ । ना॒रा॒श॒सी॒भ्यः । स्वाहा॑ । रै॒भी॒भ्यः । स्वाहा॑ ( ) । स॒र्व॒स्मै । स्वाहा॑ ॥

**TS 7.5.12.1****TS 7.5.12.1****Samhita Paata**

दु॒त्व॑ते स्वाहा॑ ऽदु॒न्त॑का॒य॒ स्वाहा॑ प्रा॒णि॒ने स्वाहा॑ ऽप्रा॒णाय॑ स्वाहा॑ मु॒ख॑व॒ते स्वाहा॑ ऽमु॒खाय॑ स्वाहा॑  
ना॒सि॑क॒व॒ते स्वाहा॑ ऽना॒सि॒काय॑ स्वाहा॑ ऽक्ष॑ण॒व॒ते स्वाहा॑ ऽन॒क्षि॒काय॑ स्वाहा॑ क॒र्णि॒ने स्वाहा॑ ऽक॒र्ण॑का॒य॒  
स्वाहा॑ शी॒र॒ष॒ण॒व॒ते स्वाहा॑ ऽशी॒र॒ष॒काय॑ स्वाहा॑ प॒द्व॑ते स्वाहा॑ ऽपा॒द॒काय॑ स्वाहा॑ प्रा॒ण॒ते स्वाहा॑ ऽप्रा॒ण॒ते  
स्वाहा॑ व॒द॑ते स्वाहा॑ ऽव॒द॑ते स्वाहा॑ प॒श्य॑ते स्वाहा॑ ऽप॒श्य॑ते स्वाहा॑ शृ॒ण्व॑ते स्वाहा॑ ऽशृ॒ण्व॑ते स्वाहा॑  
म॒न॒स्वि॒ने स्वाहा॑ - [ ]

**Pada Paata**

दु॒त्वते॑ । स्वाहा॑ । अ॒दु॒न्तका॑य । स्वाहा॑ । प्रा॒णिने॑ । स्वाहा॑ । अ॒प्रा॒णाय॑ । स्वाहा॑ । मुख॑वत॒  
 इति॑ मुख॑-व॒ते । स्वाहा॑ । अ॒मु॒खाय॑ । स्वाहा॑ । ना॒सिक॑वत॒ इति॑ ना॒सिक॑ - व॒ते । स्वाहा॑ ।  
 अ॒ना॒सिका॑य । स्वाहा॑ । अ॒क्ष॒ण्वत॑ इत्य॑क्ष॒ण्वते॑ । स्वाहा॑ । अ॒न॒क्षिका॑य । स्वाहा॑ । क॒र्णिने॑  
 । स्वाहा॑ । अ॒क॒र्णका॑य । स्वाहा॑ । शी॒रू॒ष॒ण्वत॑ इति॑ शी॒रू॒ष॒ण्वते॑ । स्वाहा॑ । अ॒शी॒रू॒षका॑य  
 । स्वाहा॑ । प॒द्वत॑ इति॑ प॒त् - व॒ते । स्वाहा॑ । अ॒पा॒दका॑य । स्वाहा॑ । प्रा॒णत॑ इति॑ प्र-अ॒न॒ते ।  
 स्वाहा॑ । अ॒प्रा॒णत॑ इत्य॑प्र - अ॒न॒ते । स्वाहा॑ । व॒दते॑ । स्वाहा॑ । अ॒व॒दते॑ । स्वाहा॑ । प॒श्यते॑  
 । स्वाहा॑ । अ॒प॒श्यते॑ । स्वाहा॑ । शृ॒ण्वते॑ । स्वाहा॑ । अ॒शृ॒ण्वते॑ । स्वाहा॑ । म॒न॒स्विने॑ । स्वाहा॑ ।

**TS 7.5.12.2****TS 7.5.12.2****Samhita Paata**

ऽम॒न॒से स्वाहा॑ रे॒त॒स्विने॑ स्वाहा॑ ऽरे॒त॒स्काय॑ स्वाहा॑ प्र॒जाभ्यः॑ स्वाहा॑ प्र॒जने॑नाय॑ स्वाहा॑ लो॒म॒वते॑ स्वाहा॑  
 ऽलो॒म॒काय॑ स्वाहा॑ त्व॒चे स्वाहा॑ ऽत्व॒क्काय॑ स्वाहा॑ च॒र्म॒ण्वते॑ स्वाहा॑ ऽच॒र्म॒काय॑ स्वाहा॑ लो॒हि॒त॒वते॑  
 स्वाहा॑ ऽलो॒हि॒ताय॑ स्वाहा॑ मा॒श॒स॒न्वते॑ स्वाहा॑ ऽमा॒श॒स॒काय॑ स्वाहा॑ स्ना॒व॒भ्यः॑ स्वाहा॑ ऽस्ना॒व॒काय॑ स्वाहा॑  
 स्थ॒न्वते॑ स्वाहा॑ ऽन॒स्थि॒काय॑ स्वाहा॑ म॒ज्ज॒न्वते॑ स्वाहा॑ ऽम॒ज्ज॒काय॑ स्वाहा॑ ऽज्जि॒ने स्वाहा॑ ऽन॒ज्जाय॑ स्वाहा॑  
 ऽऽत्म॒ने स्वाहा॑ ऽन॒ा॒त्म॒ने स्वाहा॑ ( ) स॒र्व॒स्मै स्वाहा॑ ॥

**Pada Paata**

अ॒मु॒न॒सै॑ । स्वा॒हा॑ । रे॒त॒स्वि॒नै॑ । स्वा॒हा॑ । अ॒रे॒त॒स्का॒येत्य॑रे॒तः॑ - का॒य॒ । स्वा॒हा॑ । प्र॒जा॒भ्य॒ इति॑  
 प्र - जा॒भ्यः॑ । स्वा॒हा॑ । प्र॒ज॒न॒ना॒येति॑ प्र - ज॒न॒ना॒य॒ । स्वा॒हा॑ । लो॒म॒व॒त॒ इति॑ लो॒म॒ - व॒ते॒ ।  
 स्वा॒हा॑ । अ॒लो॒म॒का॒य॒ । स्वा॒हा॑ । त्व॒चे॒ । स्वा॒हा॑ । अ॒त्व॒क्का॒य॒ । स्वा॒हा॑ । च॒र्म॒ण्व॒त॒ इति॑  
 च॒र्म॒ण् - व॒ते॒ । स्वा॒हा॑ । अ॒च॒र्म॒का॒य॒ । स्वा॒हा॑ । लो॒हि॒त॒व॒त॒ इति॑ लो॒हि॒त॒ - व॒ते॒ । स्वा॒हा॑ ।  
 अ॒लो॒हि॒ता॒य॑ । स्वा॒हा॑ । मा॒ऽस॒न्व॒त॒ इति॑ मा॒ऽस॒न्-व॒तै॑ । स्वा॒हा॑ । अ॒मा॒ऽस॒का॒य॒ । स्वा॒हा॑ ।  
 स्ना॒व॒भ्य॒ इति॑ स्ना॒व॒ - भ्यः॑ । स्वा॒हा॑ । अ॒स्ना॒व॒का॒य॒ । स्वा॒हा॑ । अ॒स्थ॒न्व॒त॒ इत्य॑स्थ॒न्-व॒तै॑ ।  
 स्वा॒हा॑ । अ॒न॒स्थि॒का॒य॒ । स्वा॒हा॑ । म॒ज्ज॒न्व॒त॒ इति॑ म॒ज्ज॒न्-व॒तै॑ । स्वा॒हा॑ । अ॒म॒ज्ज॒का॒य॒ ।  
 स्वा॒हा॑ । अ॒ङ्गि॒नै॑ । स्वा॒हा॑ । अ॒न॒ङ्गा॒य॑ । स्वा॒हा॑ । आ॒त्म॒नै॑ । स्वा॒हा॑ । अ॒ना॒त्म॒ने॑ । स्वा॒हा॑ ( ) ।  
 सर्व॑स्मै । स्वा॒हा॑ ॥

## TS 7.5.13.1

### TS 7.5.13.1

#### Samhita Paata

क॒स्त्वा॑ यु॒न॒क्ति॑ स॒ त्वा॑ यु॒न॒क्तु॑ वि॒ष्णु॑स्त्वा यु॒न॒क्त॒व॒स्य॑ य॒ज्ञ॒स्य॒द्वयै॑ म॒ह्यः॑ स॒न्न॑त्या अ॒मु॒ष्मै॑ का॒मा॒याऽऽ\*यु॑षे  
 त्वा प्रा॒णा॒य॑ त्वा ऽपा॒ना॒य॑ त्वा व्या॒ना॒य॑ त्वा व्यु॑ष्ट्यै त्वा र॒य्यै॑ त्वा रा॒ध॒से॑ त्वा घो॒षा॒य॑ त्वा पो॒षा॒य॑  
 त्वा ऽऽरा॒द्धो॒षा॒य॑ त्वा प्र॒च्यु॑त्यै त्वा ॥

#### Pada Paata

कः । त्वा । यु॒न॒क्ति॑ । सः । त्वा । यु॒न॒क्तु॑ । वि॒ष्णुः॑ । त्वा । यु॒न॒क्तु॑ । अ॒स्य॑ ।



य॒ज्ञस्य॑ । ऋ॒द्ध्यै॑ । म॒ह्यम् । स॒न्न॑त्या॒ इति॑ सं - न॒त्यै । अ॒मुष्मै॑ । का॒माय॑ । आ॒युषे॑ ।  
 त्वा । प्रा॒णाय॑ति॒ प्र - अ॒नाय॑ । त्वा । अ॒पा॒नायेत्य॑प - अ॒नाय॑ । त्वा । व्या॒नायेति॑ वि -  
 अ॒नाय॑ । त्वा । व्यु॑ष्ट्या॒ इति॑ वि - उ॒ष्ट्यै । त्वा । र॒य्यै । त्वा । रा॒ध॑से । त्वा । घो॒षाय॑ ।  
 त्वा । पो॒षाय॑ । त्वा । आ॒रा॒द्धोषा॑येत्या॒रात् - घो॒षाय॑ । त्वा । प्र॒च्यु॑त्या॒ इति॑ प्र - च्यु॒त्यै । त्वा ॥

## TS 7.5.14.1

### TS 7.5.14.1

#### Samhita Paata

अ॒ग्नये॑ गा॒य॒त्राय॑ त्रि॒वृते॑ रा॒थ॑न्त॒राय॑ वा॒स॒न्ताया॑-॒ष्टाक॑पाल॒ इन्द्रा॑य॒ त्रैष्टु॑भाय॒ पञ्च॑द॒शाय॑ बा॒र॒ह॑ताय॒  
 ग्रैष्मा॑यैका॒दश॑कपालो॒ विश्वे॑भ्यो॒ दे॒वेभ्यो॑ जा॒ग॑तेभ्यः स॒प्तद॑शेभ्यो॒ वैरू॑पेभ्यो॒ वार॑र्षिकेभ्यो॒ द्वा॒द॑शकपालो॒  
 मि॒त्रावरु॑णाभ्या॒-मा॒नु॒ष्टुभा॑भ्या॒-मे॒कवि॑-॒शाभ्या॑-वैरा॒जाभ्या॑-शा॒र॒दाभ्या॑ प॒य॒स्यां बृ॒ह॒स्प॒तये॑ पा॒ङ्क्त्या॑ त्रि॒ण॒वाय॑  
 शा॒क॒राय॑ है॒म॒न्तिका॑य॒ च॒रुः स॑वि॒त्र आ॑ति॒च्छ॒न्द॒साय॑ त्रय॒स्त्रि॒शाय॑ रै॒व॒ताय॑ शै॒शिरा॑य॒ द्वा॒द॑शकपालो॒  
 ऽदि॑त्यै विष्णु॑प॒त्यै च॒रुः स॑ग्नये॑ वै॒श्वान॒राय॑ द्वा॒द॑शकपालो॒ ऽनु॑म॒त्यै च॒रुः का॒य ए॒क॑कपालः ॥

#### Pada Paata

अ॒ग्नये॑ । गा॒य॒त्राय॑ । त्रि॒वृ॒त इति॑ त्रि॒वृ॒तै । रा॒थ॑न्त॒रायेति॑ रा॒थ॑-त॒राय॑ । वा॒स॒न्ताय॑ । अ॒ष्टाक॑पाल॒  
 इत्य॑ष्टा - क॒पालः । इन्द्रा॑य । त्रैष्टु॑भाय । प॒ञ्च॑द॒शायेति॑ पञ्च - द॒शाय॑ । बा॒र॒ह॑ताय । ग्रैष्मा॑य ।  
 ए॒का॒द॒श॒क॒पा॒ल इत्ये॒का॒द॒श - क॒पालः । वि॒श्वे॑भ्यः । दे॒वेभ्यः । जा॒ग॑तेभ्यः । स॒प्त॒द॒शेभ्य॑ इति॑ सप्त -  
 द॒शेभ्यः । वैरू॑पेभ्यः । वार॑र्षिकेभ्यः । द्वा॒द॑शकपाल॒ इति॑ द्वा॒द॑श - क॒पालः । मि॒त्रावरु॑णाभ्या॒मिति॑

मित्रा - वरुणाभ्याम् । आनुष्टुभाभ्यामित्यानु- स्तुभाभ्याम् । एकविंशाभ्यामित्येक-विंशाभ्याम् ।  
 वैराजाभ्याम् । शारदाभ्याम् । पयस्या । बृहस्पतये । पाङ्क्त्याय । त्रिणवायेति त्रि - नवाय ।  
 शाकुराय । हैमन्तिकाय । चरुः । सवित्रे । आतिच्छन्दसायेत्याति - छन्दसाय । त्रयस्त्रिंशायेति  
 त्रयः - त्रिंशाय । रैवताय । शैशिराय । द्वादशकपाल इति द्वादश - कपालः । अदित्यै ।  
 विष्णुपत्न्या इति विष्णु - पत्न्यै । चरुः । अग्नये । वैश्वानराय । द्वादशकपाल इति द्वादश -  
 कपालः । अनुमत्या इत्यनु - मत्यै । चरुः । कायः । एककपाल इत्येक-कपालः ॥

## TS 7.5.15.1

### TS 7.5.15.1

#### Samhita Paata

यो वा अग्नावग्निः प्रहियते यश्च सोमो राजा तयोरेष आतिथ्यं यदग्नीषोमीयोऽथैष रुद्रो यश्चीयते  
 यथ संचितेऽग्नावेतानि हवींषि न निर्वपेदेष एव रुद्रोऽशान्त उपोत्थाय प्रजां पशून् यजमानस्याभि  
 मन्येत यथ संचितेऽग्नावेतानि हवींषि निर्वपति भागधेयेनैवैनं शमयति नास्य रुद्रोऽशान्त - [ ]

#### Pada Paata

यः । वै । अग्नौ । अग्निः । प्रहियत इति प्र - हियते । यः । च । सोमः । राजा । तयोः  
 । एषः । आतिथ्यम् । यत् । अग्नीषोमीय इत्यग्नी - सोमीयः । अथ । एषः । रुद्रः । यः  
 । चीयते । यत् । सञ्चित इति सं - चिते । अग्नौ । एतानि । हवींषि । न । निर्वपेदिति  
 निः - वपेत् । एषः । एव । रुद्रः । अशान्तः । उपोत्थायेत्युप - उत्थाय । प्रजामिति प्र -

जाम् । प॒शून् । यज॑मानस्य । अ॒भीति॑ । म॒न्येत् । यत् । सञ्चित॑ इति सं-चिते । अ॒ग्नौ ।  
ए॒तानि॑ । ह॒वी॒र्षि॑ । नि॒र्वप॑तीति॑ निः - वप॑ति । भा॒ग॒धेये॑नेति॑ भाग - धेये॑न । ए॒व । ए॒नम् ।  
शम॑यति॑ । न । अ॒स्य । रु॒द्रः । अशान्तः॑ ।

## TS 7.5.15.2

### TS 7.5.15.2

#### Samhita Paata

उपो॒त्थाय॑ प्र॒जां प॒शून्भि॑ म॒न्यते॑ दश॑ ह॒वी॒र्षि॑ भवन्ति॑ नव॑ वै पुरु॑षे प्रा॒णा नाभि॑र्दश॒मी प्रा॒णाने॑व  
यज॑माने दधा॒त्यथो॑ दश॑क्षरा वि॒राडन्न॑ वि॒राड् वि॒राज्ये॑वान्नाद्ये॑ प्रति॑ तिष्ठत्यृ॒तुभि॑र्वा ए॒ष छन्दो॑भिः  
स्तोमैः॑ पृ॒ष्ठैश्चे॑त्यव्यं इत्याहु॑र्यदे॒तानि॑ ह॒वी॒र्षि॑ नि॒र्वप॑त्यृ॒तुभि॑रे॒वैनं॑ छन्दो॑भिः स्तोमैः॑ पृ॒ष्ठैश्चि॑नुते दि॒शः  
सुषु॑वा॒णेना॑ - [ ]

#### Pada Paata

उपो॒त्थाये॑त्युप - उ॒त्थाय॑ । प्र॒जामि॑ति॒ प्र-जाम् । प॒शून् । अ॒भीति॑ । म॒न्यते॑ । दश॑ । ह॒वी॒र्षि॑  
। भ॒वन्ति॑ । नव॑ । वै । पुरु॑षे । प्रा॒णा इति॑ प्र - अ॒नाः । नाभिः॑ । द॒श॒मी । प्रा॒णानि॑ति॒ प्र  
- अ॒नान् । ए॒व । यज॑माने । द॒धा॒ति । अथो॑ इति॑ । दश॑क्षरेति॑ दश॑ - अ॒क्षरा॑ । वि॒राडिति॑  
वि - राट् । अ॒न्नम् । वि॒राडिति॑ वि - राट् । वि॒राजी॑ति॒ वि - राजि॑ । ए॒व । अ॒न्नाद्य॑ इत्य॒न्न -  
अद्यै॑ । प्र॒तीति॑ । तिष्ठ॑ति । ऋ॒तुभि॑रित्यृ॒तु - भिः । वै । ए॒षः । छन्दो॑भिरिति॑ छन्दः॑ - भिः ।  
स्तोमैः॑ । पृ॒ष्ठैः । चे॒त्यव्यः॑ । इति॑ । आ॒हुः । यत् । ए॒तानि॑ । ह॒वी॒र्षि॑ । नि॒र्वप॑तीति॑ निः -

वप॑ति । ऋ॒तुभि॑रित्यू॒तु - भिः । ए॒व । ए॒न॒म् । छ॒न्दो॑भि॒रिति॑ छ॒न्दः - भिः । स्तो॒मैः । पृ॒ष्ठैः । चि॒नु॒ते । दि॒शः । सु॒षु॒वा॒णेन॑ ।

## TS 7.5.15.3

### TS 7.5.15.3

#### Samhita Paata

-भि॒जित्या॑ इत्या॑हु॒र्यदे॑तानि॑ ह॒वी॒ऽषि॑ नि॒र्वप॑ति दि॒शाम॑भि॒जित्या॑ ए॒तया॑ वा इन्द्रं॑ दे॒वा अ॑याजयन्  
तस्मा॑दिन्द्र॒स॒व ए॒तया॑ मनुं॑ मनु॒ष्या॑स्तस्मा॑न्-मनु॒स॒वो यथेन्द्रो॑ दे॒वानां॑ यथा॑ मनु॑र्मनु॒ष्या॑णामे॒वं भ॑वति  
य ए॒वं वि॒द्वाने॑तयेष्ट्या॑ यज॑ते दि॒ग्वंतीः॑ पुरोऽनु॒वा॒क्या भ॑वन्ति सर्वा॑सां दि॒शाम॑भि॒जित्यै॑ ॥

#### Pada Paata

अ॒भि॒जित्या॑ इत्य॑भि - जि॒त्याः । इति॑ । आ॒हुः । यत् । ए॒तानि॑ । ह॒वी॒ऽषि॑ । नि॒र्वप॑तीति॑ निः -  
वप॑ति । दि॒शाम् । अ॒भि॒जित्या॑ इत्य॑भि - जि॒त्यै । ए॒तया॑ । वै । इन्द्रं॑ । दे॒वाः । अ॒या॒ज॒यन्  
। तस्मा॑त् । इन्द्र॒स॒व इतीन्द्र॑ - स॒वः । ए॒तया॑ । मनुं॑ । मनु॒ष्याः । तस्मा॑त् । मनु॒स॒व इति॑  
मनु॑ - स॒वः । यथा॑ । इन्द्रः॑ । दे॒वानां॑ । यथा॑ । मनुः॑ । मनु॒ष्या॑णाम् । ए॒वम् । भ॑वति ।  
यः । ए॒वम् । वि॒द्वान् । ए॒तया॑ । इष्ट्या॑ । यज॑ते । दि॒ग्वंती॑रिति॑ दिक्-व॒तीः । पुरोऽनु॒वा॒क्या  
इति॑ पुरः-अ॒नु॒वा॒क्याः । भ॑वन्ति । सर्वा॑साम् । दि॒शाम् । अ॒भि॒जित्या॑ इत्य॑भि - जि॒त्यै ॥

**TS 7.5.16.1****TS 7.5.16.1****Samhita Paata**

यः प्राण॑तो नि॒मिष॑तो म॒हि॒त्वैक॑ इ॒द्राजा॑ जग॑तो ब॒भूव॑ । य ई॒शे अ॒स्य द्वि॒पदु॑श्चतु॑ष्पदुः कस्मै॑  
 दे॒वाय॑ ह॒विषा॑ वि॒धेम ॥ उ॒प॒या॒म॒गृही॑तोऽसि प्र॒जाप॑तये त्वा जुष्टं॑ गृ॒ह्णामि॑ तस्य॑ ते द्यौर्म॑हि॒मा नक्ष॑त्राणि  
 रू॒पमा॑दित्यस्ते तेज॑स्तस्मै॑ त्वा म॒हि॒म्ने प्र॒जाप॑तये स्वाहा॑ ॥

**Pada Paata**

यः । प्रा॒ण॒त इति॑ प्र - अ॒न॒तः । नि॒मि॒ष॒त इति॑ नि - मि॒ष॒तः । म॒हि॒त्वैति॑ म॒हि - त्वा । एकः॑  
 । इत् । राजा॑ । जग॑तः । ब॒भूव॑ ॥ यः । ई॒शे । अ॒स्य । द्वि॒पदु॑ इति॑ द्वि - पदः॑ । चतु॑ष्पदु॑  
 इति॑ चतुः - प॒दः । कस्मै॑ । दे॒वाय॑ । ह॒विषा॑ । वि॒धेम ॥ उ॒प॒या॒म॒गृही॑त इत्यु॑प॒या॒म॒गृही॑तः  
 । अ॒सि । प्र॒जाप॑तय॒ इति॑ प्र॒जा - प॒तये॑ । त्वा । जुष्टं॑ । गृ॒ह्णामि॑ । तस्य॑ । ते । द्यौः ।  
 म॒हि॒मा । नक्ष॑त्राणि । रू॒पम् । आ॒दि॒त्यः । ते । तेजः॑ । तस्मै॑ । त्वा । म॒हि॒म्ने । प्र॒जाप॑तय॒  
 इति॑ प्र॒जा - प॒तये॑ । स्वाहा॑ ॥

**TS 7.5.17.1****TS 7.5.17.1****Samhita Paata**

य आ॒त्म॒दा ब॑ल॒दा यस्य॑ वि॒श्वं उ॒पास॑ते प्र॒शिषं॑ यस्य॑ दे॒वाः । यस्य॑ छा॒याऽमृ॑तं यस्य॑ मृ॒त्युः कस्मै॑  
दे॒वाय॑ ह॒विषां॑ वि॒धेम ॥ उ॒प॒या॒मगृ॑हीतोऽसि प्र॒जाप॑तये त्वा जुष्टं॑ गृ॒ह्णामि॑ तस्य॑ ते पृथि॒वी म॑हि॒मौष॑धयो  
व॒न॒स्पत॑यो रू॒पम॒ग्निस्ते॑ तेज॒स्तस्मै॑ त्वा म॒हि॒म्ने प्र॒जाप॑तये स्वाहा॑ ॥

### Pada Paata

यः । आ॒त्म॒दा इत्या॑त्म - दाः । ब॒ल॒दा इति॑ बल - दाः । यस्य॑ । वि॒श्वे । उ॒पास॑त इत्यु॑प  
- आस॑ते । प्र॒शिष॑मिति॑ प्र-शिष॑म् । यस्य॑ । दे॒वाः ॥ यस्य॑ । छा॒या । अ॒मृ॒तम् । यस्य॑ ।  
मृ॒त्युः । कस्मै॑ । दे॒वाय॑ । ह॒विषां॑ । वि॒धेम ॥ उ॒प॒या॒मगृ॑हीत इत्यु॑प॒या॒म - गृ॒हीतः । अ॒सि ।  
प्र॒जाप॑तय इति॑ प्र॒जा - प॒तये । त्वा । जुष्टं॑ । गृ॒ह्णामि॑ । तस्य॑ । ते । पृथि॒वी । म॒हि॒मा ।  
ओष॑धयः । व॒न॒स्पत॑यः । रू॒पम् । अ॒ग्निः । ते । तेजः॑ । तस्मै॑ । त्वा । म॒हि॒म्ने । प्र॒जाप॑तय  
इति॑ प्र॒जा - प॒तये । स्वाहा॑ ॥

## TS 7.5.18.1

### TS 7.5.18.1

### Samhita Paata

आ ब्र॒ह्मन् ब्रा॒ह्म॒णो ब्र॑ह्मवर्च॒सी जा॑यता॒मा ऽस्मिन् रा॒ष्ट्रे रा॑ज॒न्यं इष॑व्यः शू॒रो म॒हा॒र॒थो जा॑यतां  
दो॒ग्ध्री॑धे॒नुर्वो॑ढा ऽन॒ङ्गाना॑शुः स॒प्तिः पु॒र॒न्धि॒र्योषां॑ जि॒ष्णू र॑थे॒ष्ठाः स॒भेयो॑ यु॒वा ऽऽस्य॑ यज॑मानस्य वी॒रो  
जा॑यतां नि॒का॒मेनि॑कामे नः पु॒र्जन्यो॑ व॒र्षतु॑ फ॒लिन्यो॑ न ओष॑धयः प॒च्यन्तां॑ योग॒क्षेमो॑नः कल्प॑तां ॥

**Pada Paata**

एति॑ । ब्रह्मन् । ब्राह्मणः । ब्रह्मवर्चसीति॑ ब्रह्म-वर्चसी । जायताम् । एति॑ । अस्मिन् । राष्ट्रे  
 । राजन्यः । इषव्यः । शूरः । महारथ इति॑ महा - रथः । जायताम् । दोग्ध्री॑ । धेनुः ।  
 वोढा॑ । अनङ्गान् । आशुः । सप्तिः । पुरन्धिः । योषा॑ । जिष्णूः । रथेष्टा इति॑ रथे - स्थाः  
 । सभेयः । युवा॑ । एति॑ । अस्य । यजमानस्य । वीरः । जायताम् । निकामेनिकाम् इति॑  
 निकामे - निकामे । नः । पर्जन्यः । वरूषतु । फलिन्यः । नः । ओषधयः । पच्यन्ताम् ।  
 योगक्षेम इति॑ योग - क्षेमः । नः । कल्पताम् ॥

**TS 7.5.19.1****TS 7.5.19.1****Samhita Paata**

आऽक्रान् वाजी पृथिवीमग्निं युजमकृत वाज्यर्वा ऽऽक्रान् वाज्यन्तरिक्षं वायुं युजमकृत वाज्यर्वा द्यां  
 वाज्याऽक्रश्स्त सूर्यं युजमकृत वाज्यर्वा ऽग्निस्ते वाजिन् युङ्क्तु त्वा ऽऽ रभे स्वस्ति मा सं पारय  
 वायुस्ते वाजिन् युङ्क्तु त्वा ऽऽ रभे स्वस्ति मा सं - [ ]

**Pada Paata**

एति॑ । अक्रान् । वाजी । पृथिवीम् । अग्निम् । युजम् । अकृत । वाजी । अर्वा॑ । एति॑ ।  
 अक्रान् । वाजी । अन्तरिक्षम् । वायुम् । युजम् । अकृत । वाजी । अर्वा॑ । द्याम् । वाजी

। ए॒ति॑ । अ॒क्र॒स्त् । सू॒र्य॑म् । यु॒ज॑म् । अ॒कृ॒त् । वा॒जी । अ॒र्वा । अ॒ग्निः । ते॒ । वा॒जि॒न् ।  
 । यु॒ङ् । अ॒न्वि॒ति॑ । त्वा॒ । ए॒ति॑ । र॒भे । स्व॒स्ति॑ । मा॒ । स॒मि॒ति॑ । पा॒र॒य॒ । वा॒युः । ते॒  
 । वा॒जि॒न् । यु॒ङ् । अ॒न्वि॒ति॑ । त्वा॒ । ए॒ति॑ । र॒भे । स्व॒स्ति॑ । मा॒ । स॒मि॒ति॑ ।

## TS 7.5.19.2

### TS 7.5.19.2

#### Samhita Paata

पा॒र॒या ऽऽदि॒त्यस्ते॑ वा॒जि॒न् यु॒ङ्नु त्वा॒ ऽऽ र॒भे स्व॒स्ति॑ मा॒ सं पा॒र॒य प्रा॒ण॒धृ॒ग॑सि प्रा॒णं मे॑ दृ॒ष्ट॒ह  
 व्या॒न॒धृ॒ग॑सि व्या॒नं मे॑ दृ॒ष्ट॒हा ऽपा॒न॒धृ॒ग॑स्यपा॒नं मं दृ॒ष्ट॒ह चक्षु॑र॒सि चक्षु॑र्म॒यि धेहि॑ श्रो॒त्रं म॒सि श्रो॒त्रं म॒यि  
 धे॒ह्यायु॑र॒स्यायु॑र्म॒यि धेहि॑ ॥

#### Pada Paata

पा॒र॒य॒ । अ॒दि॒त्यः । ते॒ । वा॒जि॒न् । यु॒ङ् । अ॒न्वि॒ति॑ । त्वा॒ । ए॒ति॑ । र॒भे । स्व॒स्ति॑ । मा॒  
 । स॒मि॒ति॑ । पा॒र॒य॒ । प्रा॒ण॒धृ॒गि॒ति॑ प्रा॒ण - धृ॒क् । अ॒सि॒ । प्रा॒णमि॒ति॑ प्र - अ॒नम् । मे॒ । दृ॒ष्ट॒ह ।  
 व्या॒न॒धृ॒गि॒ति॑ व्या॒न - धृ॒क् । अ॒सि॒ । व्या॒नमि॒ति॑ वि - अ॒नम् । मे॒ । दृ॒ष्ट॒ह । अ॒पा॒न॒धृ॒गि॒त्य॑पा॒न  
 - धृ॒क् । अ॒सि॒ । अ॒पा॒नमि॒त्य॑प - अ॒नम् । मे॒ । दृ॒ष्ट॒ह । चक्षुः॑ । अ॒सि॒ । चक्षुः॑ । म॒यि  
 । धेहि॑ । श्रो॒त्रम् । अ॒सि॒ । श्रो॒त्रम् । म॒यि । धेहि॑ । आ॒युः । अ॒सि॒ । आ॒युः । म॒यि । धेहि॑ ॥



**TS 7.5.20.1****TS 7.5.20.1****Samhita Paata**

जज्ञि॑ बीजं॑ वर्ष्टा॑ पर्जन्यः॑ पक्ता॑ स॒स्यः॑ सु॒पिप्प॒ला ओष॑धयः स्वधिच॒रणेयः॑ सू॒पस॒दनोऽग्निः॑ स्व॒द्वय॑क्षम॒न्तरि॑क्षः सु॒पा॒  
पव॑मानः सू॒पस्था॑ना द्यौः शि॒वम॒सौ तप॑न् यथापूर्वम॒होरा॒त्रे पञ्चद॑शिनो॑ ऽर्द्धमा॒सा-स्त्रि॑शिनो॒ मासाः॑  
कृ॒ता ऋ॒तवः॑ शा॒न्तः सँव॑त्सरः ॥

**Pada Paata**

जज्ञि॑ । बीजं॑ । वर्ष्टा॑ । पर्जन्यः॑ । पक्ता॑ । स॒स्यम् । सु॒पिप्प॒ला इति॑ सु - पिप्प॒लाः ।  
ओष॑धयः । स्वधिच॒रणेति॑ सु - अधिच॒रणा॑ । इ॒यम् । सू॒पस॒दन इति॑ सु - उ॒पस॒दनः । अ॒ग्निः ।  
स्व॒द्वय॑क्षमिति॑ सु - अ॒द्वय॑क्षम् । अ॒न्तरि॑क्षम् । सु॒पा॒व इति॑ सु-पा॒वः । पव॑मानः । सू॒पस्था॑नेति॑  
सु - उ॒पस्था॑ना । द्यौः । शि॒वम् । अ॒सौ । तप॑न् । यथापूर्वमिति॑ यथा - पूर्वम् । अ॒होरा॒त्रे  
इत्य॑हः - रा॒त्रे । पञ्चद॑शिन॒ इति॑ पञ्च - द॒शिनः॑ । अ॒र्द्धमा॒सा इत्य॑र्द्ध - मा॒साः । त्रि॑शिनः॑  
। मासाः॑ । कृ॒ताः । ऋ॒तवः॑ । शा॒न्तः । सँव॑त्सर इति॑ सं - व॒त्सरः ॥

**TS 7.5.21.1****TS 7.5.21.1****Samhita Paata**

आ॒ग्ने॒योऽष्टा॑क॒पालः॑ सौ॒म्यश्च॑रुः सा॒वि॒त्रोऽष्टा॑क॒पालः॑ पौ॒ष्णश्च॑रु रौ॒द्रश्च॑रु॒र॒ग्नये॑ वै॒श्वान॑राय॒ द्वा॒द॒श॒क॒पालो॑  
मृ॒गा॒ख॒रे॒ यदि॑ नाऽऽ\*ग॒च्छे-दु॒ग्नये॑-ऽहो॑मु॒चे-ऽष्टा॑क॒पालः॑ सौ॒र्यं॑ प॒यो वा॒य॒व्यं॑ आ॒ज्यं॑भा॒गः ॥

### Pada Paata

आ॒ग्ने॒यः । अ॒ष्टा॑क॒पाल॒ इत्य॑ष्टा - क॒पालः॑ । सौ॒म्यः । च॒रुः । सा॒वि॒त्रः । अ॒ष्टा॑क॒पाल॒ इत्य॑ष्टा  
- क॒पालः॑ । पौ॒ष्णः । च॒रुः । रौ॒द्रः । च॒रुः । अ॒ग्नये॑ । वै॒श्वान॑राय॒ । द्वा॒द॒श॒क॒पाल॒ इति॑  
द्वा॒द॒श - क॒पालः॑ । मृ॒गा॒ख॒र इति॑ मृ॒ग - आ॒ख॒रे । यदि॑ । न । आ॒ग॒च्छे॒दित्य॑-ग॒च्छेत् ।  
अ॒ग्नये॑ । अ॒हो॑मु॒च इत्य॑हः-मु॒चै । अ॒ष्टा॑क॒पाल॒ इत्य॑ष्टा-क॒पालः॑ । सौ॒र्यम् । प॒यः । वा॒य॒व्यः  
। आ॒ज्यं॑भा॒ग इत्या॑ज्य - भा॒गः ॥

## TS 7.5.22.1

### TS 7.5.22.1

### Samhita Paata

अ॒ग्नये॑-ऽहो॑मु॒चे-ऽष्टा॑क॒पाल॒ इन्द्रा॑याऽहो॑मु॒च एका॑द॒श॒क॒पालो॑ मि॒त्रावरु॑णाभ्या-मा॒गो॒मुग्भ्या॑ प॒य॒स्या  
वा॒योसा॑वि॒त्र आ॑गो॒मुग्भ्या॑ च॒रुर॑श्चि॒भ्या-मा॑गो॒मुग्भ्या॑ धा॒ना म॒रुद्भ्य॑ ए॒नो॒मुग्भ्यः॑ स॒प्त॒क॒पालो॑ वि॒श्वेभ्यो॑  
दे॒वेभ्य॑ ए॒नो॒मुग्भ्यो॑ द्वा॒द॒श॒क॒पालो॑ ऽनु॑म॒त्यै च॒रुर॑ग्नये॑ वै॒श्वान॑राय॒ द्वा॒द॒श॒क॒पालो॑ द्यावा॑पृ॒थि॒वीभ्या॑-  
म॒हो॑मु॒ग्भ्या॑ द्वि॒क॒पालः॑ ॥

### Pada Paata

अ॒ग्नये॑ । अ॒हो॒मुच॑ इत्य॒हः-मुचै॑ । अ॒ष्टाक॑पा॒ल इत्य॒ष्टा-क॑पा॒लः । इन्द्रा॑य । अ॒हो॒मुच॑  
 इत्य॒हः - मुचै॑ । एका॑दशकपा॒ल इत्येका॑दश - क॑पा॒लः । मि॒त्रावरु॑णाभ्यामि॒ति मि॒त्रा -  
 वरु॑णाभ्याम् । आ॒गोमु॒ग्भ्यामित्या॑गोमुक् - भ्याम् । प॒यस्या॑ । वा॒योसा॒वित्र॑ इति॑ वा॒यो - सा॒वित्रः ।  
 आ॒गोमु॒ग्भ्यामित्या॑गोमुक् - भ्याम् । च॒रुः । अ॒श्विभ्या॑मित्य॒श्वि - भ्याम् । अ॒गोमु॒ग्भ्यामित्या॑गोमुक्  
 - भ्याम् । धा॒नाः । म॒रुद्भ्य॑ इति॑ म॒रुत् - भ्यः । ए॒नोमु॒ग्भ्य इत्ये॒नोमुक्-भ्यः । स॒प्तक॑पा॒ल इति॑  
 स॒प्त - क॑पा॒लः । वि॒श्वेभ्यः॑ । दे॒वेभ्यः॑ । ए॒नोमु॒ग्भ्य इत्ये॒नोमुक् - भ्यः । द्वा॒दश॑कपा॒ल इति॑  
 द्वा॒दश - क॑पा॒लः । अ॒नु॒मत्या॑ इत्य॒नु - म॒त्यै । च॒रुः । अ॒ग्नये॑ । वै॒श्वान॑राय । द्वा॒दश॑कपा॒ल  
 इति॑ द्वा॒दश - क॑पा॒लः । द्यावा॑पृ॒थि॒वीभ्या॑मि॒ति द्यावा॑ - पृ॒थि॒वीभ्या॑म् । अ॒हो॒मुग्भ्या॑मित्य॒होमुक्  
 - भ्याम् । द्वि॒क॒पा॒ल इति॑ द्वि - क॑पा॒लः ॥

## TS 7.5.23.1

### TS 7.5.23.1

#### Samhita Paata

अ॒ग्नये॑ स॒मन॑मत् पृ॒थि॒व्यै स॒मन॑म॒द्यथा॑ऽग्निः पृ॒थि॒व्या स॒मन॑मदे॒वं म॒ह्यं भ॒द्राः संन॑तयः सं न॑मन्तु  
 वा॒यवे॑ स॒मन॑मदु॒न्तरि॑क्षाय स॒मन॑म॒द्यथा॑ वा॒युर॒न्तरि॑क्षेण॒ सूर्या॑य स॒मन॑मद्वि॒वे स॒मन॑म॒द्यथा॑ सूर्यो॑ दि॒वा  
 च॒न्द्रम॑से स॒मन॑म॒न्नक्ष॑त्रेभ्यः स॒मन॑म॒द्यथा॑ च॒न्द्रमा॑ नक्ष॑त्रैर्वरु॑णाय स॒मन॑मदु॒द्भ्यः स॒मन॑म॒द्यथा॑ - [ ]

#### Pada Paata

अ॒ग्नये॑ । स॒मि॒ति । अ॒न॒मत् । पृ॒थि॒व्यै । स॒मि॒ति । अ॒न॒मत् । यथा॑ । अ॒ग्निः । पृ॒थि॒व्या ।  
 स॒मन॑म॒दिति॑ सं - अ॒न॒मत् । ए॒वम् । म॒ह्यम् । भ॒द्राः । संन॑तय॒ इति॑ सं - न॒तयः॑ । स॒मि॒ति ।

न॒म॒न्तु । वा॒य॒वे॑ । स॒मि॒ति॑ । अ॒न॒म॒त् । अ॒न्त॒रि॑क्षाय । स॒मि॒ति॑ । अ॒न॒म॒त् । य॒था॑ । वा॒युः ।  
 अ॒न्त॒रि॑क्षेण । सू॒र्या॑य । स॒मि॒ति॑ । अ॒न॒म॒त् । दि॒वे । स॒मि॒ति॑ । अ॒न॒म॒त् । य॒था॑ । सू॒र्यः ।  
 दि॒वा । च॒न्द्र॒मं॑से । स॒मि॒ति॑ । अ॒न॒म॒त् । नक्ष॑त्रेभ्यः । स॒मि॒ति॑ । अ॒न॒म॒त् । य॒था॑ । च॒न्द्र॒मा॑ः ।  
 नक्ष॑त्रैः । वरु॑णाय । स॒मि॒ति॑ । अ॒न॒म॒त् । अ॒द्भ्य॑ इत्य॑त् - भ्यः । स॒मि॒ति॑ । अ॒न॒म॒त् । य॒था॑ ।

## TS 7.5.23.2

### TS 7.5.23.2

#### Samhita Paata

वरु॑णोऽद्भिः साम्ने॑ सम॑नम॒द्व॒चे सम॑नम॒द्य॒था॒ साम॑र्चा ब्रह्म॑णे सम॑नम॒त् क्ष॒त्राय॑ सम॑नम॒द्य॒था॒ ब्रह्म॑  
 क्ष॒त्रेण॑ रा॒ज्ञे सम॑नम॒द्-वि॒शे सम॑नम॒द्य॒था॒ रा॒जा॑ वि॒शा र॒थाय॑ः सम॑नम॒द॒श्वेभ्यः॑ सम॑नम॒द्य॒था॒ र॒थोऽश्वैः॑  
 प्र॒जाप॑तये॒ सम॑नम॒द्-भू॒तेभ्यः॑ सम॑नम॒द्य॒था॑ प्र॒जाप॑तिर्भू॒तैः सम॑नम॒दे॒वं म॒ह्यं ( ) भ॒द्राः सं॑न॒तयः॑ सं  
 न॑मन्तु ॥

#### Pada Paata

वरु॑णः । अ॒द्भि॒रि॒त्य॑त् - भिः । साम्ने॑ । स॒मि॒ति॑ । अ॒न॒म॒त् । ऋ॒चे । स॒मि॒ति॑ । अ॒न॒म॒त् ।  
 य॒था॑ । साम् । ऋ॒चा । ब्रह्म॑णे । स॒मि॒ति॑ । अ॒न॒म॒त् । क्ष॒त्राय॑ । स॒मि॒ति॑ । अ॒न॒म॒त् । य॒था॑  
 । ब्रह्म॑ । क्ष॒त्रेण॑ । रा॒ज्ञे । स॒मि॒ति॑ । अ॒न॒म॒त् । वि॒शे । स॒मि॒ति॑ । अ॒न॒म॒त् । य॒था॑ । रा॒जा॑  
 । वि॒शा । र॒थाय॑ । स॒मि॒ति॑ । अ॒न॒म॒त् । अ॒श्वे॑भ्यः । स॒मि॒ति॑ । अ॒न॒म॒त् । य॒था॑ । र॒थः ।  
 अ॒श्वैः॑ । प्र॒जाप॑तय॒ इति॑ प्र॒जा - प॒तये॑ । स॒मि॒ति॑ । अ॒न॒म॒त् । भू॒तेभ्यः॑ । स॒मि॒ति॑ । अ॒न॒म॒त् ।  
 य॒था॑ । प्र॒जाप॑तिरि॒ति॑ प्र॒जा - प॒तिः । भू॒तैः । सम॑नम॒दि॒ति॑ सं-अ॒न॑मत् । ए॒वम् । म॒ह्यम् ( ) ।

भ॒द्राः । सं॒न॑तय॒ इति॑ सं - न॒तयः॑ । स॒मि॒ति॑ । न॒म॒न्तु ॥

## TS 7.5.24.1

TS 7.5.24.1

Samhita Paata

ये ते॒ पन्था॑नः स॒वितः॑ पू॒र्व्यासो॑ऽरे॒णवो॑ वि॒त॒ता अ॒न्तरि॑क्षे । तेभि॑र्नो अ॒द्य प॒थिभिः॑ सु॒गेभी॑  
रक्षा॑ च नो॒ अधि॑ च दे॒व ब्रू॑हि ॥ नमो॑ऽग्र॒ये पृ॒थिवि॑क्षिते॒ लोक॑स्पृ॒ते लोक॑म॒स्मै यज॑मानाय दे॒हि  
नमो॑ वा॒यवे॑ऽन्तरि॑क्ष॒क्षिते॒ लोक॑स्पृ॒ते लोक॑म॒स्मै यज॑मानाय दे॒हि नमः॑ सू॒र्याय॑ दि॒वि॒क्षिते॒ लोक॑स्पृ॒ते  
लोक॑म॒स्मै यज॑मानाय दे॒हि ॥

Pada Paata

ये । त॒ । पन्था॑नः । स॒वि॒तः । पू॒र्व्यासः॑ । अ॒रे॒णवः॑ । वि॒त॒ता इति॑ वि - त॒ताः । अ॒न्तरि॑क्षे  
॥ तेभिः॑ । नः॑ । अ॒द्य । प॒थिभि॑रिति॒ प॒थि - भिः॑ । सु॒गेभि॑रिति॒ सु - गेभिः॑ । रक्षा॑ । च॒ । नः॑  
। अधी॑ति । च॒ । दे॒व । ब्रू॑हि ॥ नमः॑ । अ॒ग्र॒ये । पृ॒थिवि॑क्षित॒ इति॑ पृ॒थिवि॑-क्षिते॒ । लोक॑स्पृ॒त  
इति॑ लोक - स्पृ॒ते । लोक॑म् । अ॒स्मै । यज॑मानाय । दे॒हि । नमः॑ । वा॒यवे॑ । अ॒न्तरि॑क्ष॒क्षित॒  
इत्य॑न्तरि॒क्ष - क्षिते॒ । लोक॑स्पृ॒त इति॑ लोक - स्पृ॒ते । लोक॑म् । अ॒स्मै । यज॑मानाय । दे॒हि  
। नमः॑ । सू॒र्याय॑ । दि॒वि॒क्षित॒ इति॑ दि॒वि - क्षिते॒ । लोक॑स्पृ॒त इति॑ लोक - स्पृ॒ते । लोक॑म् ।  
अ॒स्मै । यज॑मानाय । दे॒हि ॥

**TS 7.5.25.1****TS 7.5.25.1****Samhita Paata**

यो वा अश्वस्य मेद्व्यस्य शिरो वेदं शीरूषण्वान् मेद्व्यो भवत्युषा वा अश्वस्य मेद्व्यस्य शिरः  
 सूर्यश्चक्षुर्वातः प्राणश्चन्द्रमाः श्रोत्रं दिशः पादा अवान्तरदिशाः परशवोऽहोरात्रे निमेषोऽर्द्धमासाः  
 पर्वाणि मासाः सुधानान्यृतवोऽङ्गानि सँवत्सर आत्मा रश्मयः केशा नक्षत्राणि रूपं तारका अस्थानि  
 नभो मांसान्योषधयो लोमानि वनस्पतयो वाला अग्निमुखं वैश्वानरो व्यात्तः - [ ]

**Pada Paata**

यः । वै । अश्वस्य । मेद्व्यस्य । शिरः । वेदं । शीरूषण्वानिति शीरूषण्वान् । मेद्व्यः ।  
 भवति । उषाः । वै । अश्वस्य । मेद्व्यस्य । शिरः । सूर्यः । चक्षुः । वातः । प्राण इति  
 प्र - अनः । चन्द्रमाः । श्रोत्रम् । दिशः । पादाः । अवान्तरदिशा इत्यवान्तर - दिशाः ।  
 परशवः । अहोरात्रे इत्यहः - रात्रे । निमेष इति नि - मेषः । अर्द्धमासा इत्यर्द्ध - मासाः  
 । पर्वाणि । मासाः । सुधानानीति सं - धानानि । ऋतवः । अङ्गानि । सँवत्सर इति सं -  
 वत्सरः । आत्मा । रश्मयः । केशाः । नक्षत्राणि । रूपम् । तारकाः । अस्थानि । नभः  
 । मांसानि । ओषधयः । लोमानि । वनस्पतयः । वालाः । अग्निः । मुखम् । वैश्वानरः  
 । व्यात्तमिति वि - आत्तम् ।

**TS 7.5.25.2****TS 7.5.25.2****Samhita Paata**

समुद्र उदरं॑मन्तरिक्षं पा॒यु-र्द्यावा॑पृथि॒वी आ॒ण्डौ ग्रा॒वा शे॒पः सोमो॑ रे॒तो यज्जं॑ञ्ज॒भ्यते॑ तद्वि द्यो॑त॒ते  
यद्वि॑धूनु॒ते तथ् स्त॑नयति॒ यन्मे॑हति॒ तद्वर॑षति॒ वागे॑वा॒स्य वा॒गह॑र्वा अ॒श्वस्य॑ जा॒यमान॑स्य म॒हिमा  
पु॒रस्ता॑ज्जायते॒ रात्रि॑रे॒नं म॒हिमा प॒श्चादनु॑ जायत ए॒तौ वै म॑हि॒माना॒- व॒श्वम॑भि॒तः सं ब॑भूवतु॒र॒हयो॑  
दे॒वानव॑ह॒ () द॒र्वाऽसु॑रान् वा॒जी ग॑न्ध॒र्वानश्चो॑मनु॒ष्यान्थ॑ समु॒द्रो वा अ॒श्वस्य॑ योनिः॑ समु॒द्रो ब॑न्धुः ॥

**Pada Paata**

समु॒द्रः । उ॒दरं॑म् । अ॒न्तरि॑क्षम् । पा॒युः । द्यावा॑पृथि॒वी इति॑ द्यावा॑ - पृथि॒वी । आ॒ण्डौ । ग्रा॒वा  
। शे॒पः । सोमः॑ । रे॒तः । यत् । ज॒ञ्ज॒भ्यते॑ । तत् । वी॒ति । द्यो॑त॒ते । यत् । वि॒धूनु॑त  
इति॑ वि॒धूनु॑ते । तत् । स्त॑नयति॒ । यत् । मे॑हति॒ । तत् । वर॑षति॒ । वाक् । ए॒व ।  
अ॒स्य । वाक् । अ॒हः । वै । अ॒श्वस्य॑ । जा॒यमान॑स्य । म॒हिमा । पु॒रस्ता॑त् । जा॒यते॑ ।  
रात्रिः॑ । ए॒नम् । म॒हिमा । प॒श्चात् । अ॒न्विति॑ । जा॒यते॑ । ए॒तौ । वै । म॑हि॒मानौ । अ॒श्वम्  
। अ॒भि॒तः । स॒मिति॑ । ब॒भूव॑तुः । ह॒यः । दे॒वान् । अ॒व॒हत् ( ) । अ॒र्वा । अ॒सु॑रान् ।  
वा॒जी । ग॑न्ध॒र्वान् । अ॒श्वः । म॒नु॒ष्यान् । समु॒द्रः । वै । अ॒श्वस्य॑ । योनिः॑ । समु॒द्रः । ब॑न्धुः ॥